

四庫全書

經部

欽定四庫全書

周禮注疏卷九

漢鄭氏注 唐陸德明音義 賈公彥疏

地官司徒第二

惟王建國辨方正位體國經野設官分職以爲民極疏

釋曰六官皆有此敘者欲見六官所主雖異以爲民極是同故也

乃立地官司徒使帥

其屬而掌邦教以佐王安擾邦國注教所以親百姓訓五品有虞氏五而周十有二焉擾亦安也言饒衍之疏

釋曰此經所云爲立官之意六官亦同有此語唯地官司徒與安擾之字不同欲見所主雖曰有殊佐王之事是一故也注釋曰云教所以親百姓者案尚書舜典云帝曰契百姓不親五品不遜汝作司徒敬敷五教在寬彼舜欲使契布五教親百姓遜五品是鄭君所取義也但五教據所施而言五品據人品列有五所從言之異其義一也云有虞氏五而周十有二焉者有虞氏五卽舜典所云敬敷五教又文十八年云舜臣堯舉八元使敷五教于四方父義母慈兄友弟恭子孝是也而周十有二者據司徒之職云一曰以祀禮敬敬以下是也案成王周官云司徒敷五典擾兆民則周亦有五教而云至周十有二者鄭據此周禮之文言十二以對於虞其實五中雖不含十二十二亦含有五云擾亦安也言饒衍之者以言饒益衍長亦是安義以其民爲邦本不安則散特須安而復安故云擾亦安也案天官教典鄭注擾爲馴者以其司徒主教教使馴順馴亦是安之義也

教官之屬大司徒卿一人小司徒中大夫二人鄉師下大夫四人上士八人中士十有六人旅下士三十有二人府六人史十有二人胥十有二人徒百有二十人注師長也司徒掌六鄉鄉師分而治之二人者共三鄉之

事相左右也音義

鄉師音香下以意求之長丁疏釋曰丈反後皆同左音佐右音又上經

說立官之意此經說立官尊卑相副貳云教官之屬者自此以下至橐人總六十官皆是教官之屬若然教官總目於下也云大司徒卿一人六命小司徒中大夫二人四命鄉師下大夫四人與小司徒同四命分爲中下上士八人三命中士十有六人再命旅下士三十有二
人一命自此已上皆得王命謂之王臣以卑佐尊尊少

卑多各與上一倍云府六人主藏文書史十有二人主
作文書胥十有二人爲什長徒百有二十人給徭役此
四者皆不得王命官長所自辟除者也注釋曰此鄉師
司徒之老謂之鄉師者謂佐司徒主六鄉亦與在下民
臣爲長故云師長也云司徒掌六鄉者案下云鄉老二
鄉則公一人已下是主六鄉之事云鄉師分而治之者
以其鄉師佐司徒主六鄉故言分而治之以鄉有六其
人有四故二人共三鄉云相左右者左右助也以其二
人共主三鄉不得各專其鄉事故相助而已

鄉老二鄉則公一人鄉大夫每鄉卿一人州長每州中
大夫一人黨正每黨下大夫一人族師每族上士一人
閭胥每閭中士一人比長五家下士一人注老尊稱也

王置六鄉則公有三人也三公者內與王論道中參六
官之事外與六鄉之教其要爲民是以屬之鄉焉州黨
族閭比鄉之屬別正師胥皆長也正之言政也師之言
帥也胥有才知之稱載師職曰以官田牛田賞田牧田
任遠郊之地司勳職曰掌六鄉之賞地六鄉地在遠郊
之內則居四同鄭司農云百里內爲六鄉外爲六遂音

義

比毗志反徐扶二反注下同稱尺證疏釋曰鄉老者

反下同爲于僞反帥所類反知音智謂三公案下

曲禮三公於諸侯曰天子之老此鄭注云老尊稱未必

是年老二鄉則公一人者在朝三公八命卽典命云三

公八命是也分陝而治則九命則大宗伯云九命作伯是也鄉大夫每鄉卿一人者六鄉則卿六人各主一鄉之事然總屬司徒非六官典兼鄉大夫知者以鄭注大司馬云軍吏選於六官六鄉之吏爲之既六官六鄉並言故知別置州長每州中大夫一人者每鄉有五州州長以中大夫爲之亦四命黨正每黨下大夫一人者五黨爲州黨正使下大夫爲之亦四命族師每族上士一人者五族爲黨族師使上士一人爲之亦三命閭胥每閭中士一人者四閭爲族巷門爲閭胥有才智之稱閭胥使中士一人爲之亦再命比長五家下士一人者五比爲閭比長使下士一人爲之亦一命特言五家者明閭閥已上至鄉皆有家數故其職云五家爲比五比爲閭四閭爲族五族爲黨五黨爲州五州爲鄉從少至多故於此言五家爲本也注釋曰言老尊稱也者以其天子所父事二老者同名故云老尊稱也云王置六鄉則公有三人也者於周禮不見公之人數六鄉之數周禮

有其文此經云二鄉則公一人明知公有三人案成王周官立太師太傅太保茲惟三公亦是公有三人之事云三公者內與王論道者成王周官云茲惟三公論道經邦考工記云坐而論道謂之王公鄭雖言天子諸侯公中亦舍三公是其內與王論道也云中參六官之事者案書傳云天子三公一曰司徒公二曰司馬公三曰司空公彼注云周禮天子六鄉與大宰司徒同職者則謂之司徒公與宗伯司馬同職者則謂之司馬公與司寇司空同職者則謂之司空公一公兼二卿舉下以爲稱是其中參六官之事云外與六鄉之教卽此經是也云其要爲民是以屬之鄉焉者三公無正職是以三百六十官之中不見三公之任唯此六鄉之內而言三公故云屬之鄉焉不言三孤者以其佐公論道三公有事之所亦有三孤故不言之云州黨族閭比鄉之屬別者五者皆屬於鄉而名號有別也云正師胥皆長也者自州已下至比長五官州比自稱長矣唯有黨正族師閭

胥不言長故鄭云正師胥皆長也云正之言政也者取
施政教者先自正故也云師之言帥也者以其帥領百
家故言帥也云胥有才智之稱者此釋閭胥以其有才
智故爲中士以領一閭雖不稱長亦有長義引載師職
云賞田任遠郊之地又引司勳職言掌六鄉之賞地者
欲見賞地在六鄉之中同在遠郊之內云六鄉地在遠
郊之內則居四同者案司馬法王城百里爲遠郊於王
城四面則方二百里開方之二二如四故云居四同言
此者破賈馬六鄉之地在遠郊五十里內五十里外置
六遂鄭司農云百里內爲六鄉外爲六遂者司徒掌六
鄉在百里內上已釋訖百里外爲六遂以其遂人掌六
遂案遂人職云掌邦之野郊外曰野故知百里外爲六
遂

封人中士四人下士八人府二人史四人胥六人徒六

十人注聚土曰封謂壝堦埒及小封疆也音義

埒音眉

疆居疏

釋曰封人在此者以其掌設王之社壝及畿封又大司徒設社稷壝相左右故在地官而爲職

首也胥徒多者以其畿封事廣故也

鼓人中士六人府二人史二人徒二十人疏

釋曰鼓人在此者以

其主教六鼓四金以是教官故在此也

舞師下士二人胥四人舞徒四十人注舞徒給繇役能

舞者以爲之音義

繇音遙

疏

釋曰舞師在此者以其主教野人之舞亦是教官之類故

也若然樂師亦教舞不在此者彼教官直言徒此官徒言舞者於禮故入春官也注釋曰餘官直言徒此官徒言舞者

徒是給繇役之人今兼云舞卽
徒中使能舞者以充徒數也

牧人下士六人府一人史二人徒六十人注牧人養牲

於野田者詩云爾牧來思何蓁何苙或負其鬴三十維

物爾牲則具音義

牧牧養之牧徐音目何胡可反又音
河下同蓁素禾反苙音立鬴音侯乾

食疏

釋曰牧人在此者以其掌牧六牲以供祭祀亦是
地事故也注釋曰鄭云養牲於野田者對充人養

牲於國中又引詩曰者謂無羊詩美宣王之事也爾宣
王牧人來之時荷揭蓁之與苙蓁所以禦雨苙所以禦
暑或負其鬴糧也三十唯物物色也異毛色者三十
爾宣王牲則備矣引之者以證牧人牧六牲之事也

牛人中士二人下士四人府二人史四人胥二十人徒

二百人注主牧公家之牛者詩云誰謂爾無牛九十其

曄曄者九十其餘多矣音義

曄而純反一音而專反黃牛黑脣曰曄

疏釋

主牧公家之牛者亦是地事又鄭下注云牛能任載地之類故在此也詩云者亦無羊詩言誰謂爾宣王無牛九十其曄黃牛黑脣曰曄云曄者九十其餘多矣者證經牛多故徒有二百人牧之也

充人下士二人史二人胥四人徒四十人注充猶肥也

養繫牲而肥之疏

釋曰祭祀之牲本以諸牲堪入祭祀者送付牧人至祭前三月選入充人

芻之使之肥充故其職云祀五帝則繫于牢芻之三月故與牧人連類在此也

載師上士二人中士四人府二人史四人胥六人徒六

十人注載之言事也事民而稅之禹貢曰冀州既載載

師者閭師縣師遺人均人官之長疏

釋曰案其職云掌任土之法以物地

事皆是土地之事故在此注釋曰鄭知事民而稅之者案其職上云任土之法下云近郊什一之等是其任民而稅之者也云禹貢曰冀州既載引之者彼是禹治洪水訖事而稅之引之證此事民之類也云載師者閭師縣師遺人均人官之長者以其閭師縣師徵斂之官所斂之賦有八遺人者均人主掌地守地職皆與載師事通故載師與之爲長

閭師中士二人史二人徒二十人注主徵六鄉賦貢之

稅者鄉官有州黨族閭比正言閭者徵民之稅宜督其

親民者凡其賦貢入大府穀入倉人疏

注釋曰主徵六鄉賦貢之稅者

案其職云任農以耕事貢九穀任圃以樹事貢草木六鄉之內有二十五家爲閭今以閭爲名故知閭師主徵六鄉賦貢者也云鄉官有州黨族閭比正言閭者徵民之稅宜督其親民者鄉官有五者之名正取二十五家爲閭以爲徵斂之官號云凡其賦貢者此貢非是細悉其民故以近民之官爲號云凡其賦貢者此貢非是大宰九貢正是九職之貢卽其職云任農以耕事貢九穀之類是也此云賦謂大宰九賦之內則國中四郊二者是也故其職云掌國中及四郊之人民六畜之數又云凡無職者出夫布是其九職之內故云凡其賦貢入大府故大府職云掌九賦九貢九功之貳以受其貨賄之入焉云穀入倉人者案倉人云掌粟入之藏故知穀入倉人也

縣師上士二人中士四人府二人史四人胥八人徒八十人注主天下土地人民已下之數徵野賦貢也名曰

縣師者自六鄉以至邦國縣居中焉鄭司農云四百里

曰縣疏

注釋曰主天下土地人民已下之數者案其職云掌邦國都鄙稍甸郊里之地域辨其夫家六

畜車輦是其主天下土地人民已下之數人民之外仍有六畜車輦故言已下云徵野貢賦也者案其職云以歲時徵野之賦貢郊外曰野以其二百里外至邦國以其地廣縣師徵之旅師斂之徵斂別官百里之內六鄉之中閭師徵之閭師斂之以其地狹徵斂同官云名曰縣師者自六鄉以至邦國縣居中焉者自百里以至邦國分爲五等二百里曰甸三百里曰稍四百曰縣五百曰都畿外邦國是其縣居中焉以其徵外內之賦舉中

爲名鄭雖言自六鄉六鄉仍舊郊內據六鄉已外而言鄭司農云四百里曰縣者據載師職小都仕縣地在四百里中故云四百里曰縣此縣師與閭師並在此者以其徵斂地稅故與載師連類在此

遺人中士二人下士四人府二人史四人胥四人徒四

十人注鄭司農云遺讀如詩曰棄予如遺之遺玄謂以

物有所饋遺音義

遺維季反注饋遺同司農音維疏釋曰在此者案其

以待施惠故與徵斂之官連類在此注釋曰先鄭云遺讀如詩曰棄予如遺之遺者此小雅谷風詩彼謂朋友道絕相棄如遺忘物玄謂以物有所饋遺者此是將物與人非是遺忘之事故不從先鄭也

均人中士二人下士四人府二人史四人胥四人徒四

十人注均猶平也主平土地之力政者疏

此釋曰均人在此者案其職

云掌均地政均地守均地職皆是土地之事故在此注釋曰知平土地之力政者案其職均地職已下更有均

人民牛馬車輦之力政是其平土地力政者也

師氏中大夫一人上士二人府二人史二人胥十有二

人徒百有二十人注師教人以道者之稱也保氏司諫

司救官之長鄭司農云詩云橋維師氏音義

橋俱禹反疏釋

師氏在此者以其主教與地官掌十二教同故亦在此以其教國子有道藝故使中大夫尊官爲之也其徒百有二十人者以其國子人衆使役處衆故其徒多矣注釋曰案其職云以三德教國子一曰至德以爲道本是

其教人以道者之稱也云保氏司諫司救官之長者以
其保氏佐師氏教國子以其司諫諫萬民司救救萬民
皆是教之義故師氏與爲長鄭司農云詩云橋惟師氏
者此詩小雅刺幽王之詩其臣氏曰橋者惟作師氏之
官引之者證與
此師氏同也

保氏下大夫一人中士二人府二人史二人胥六人徒

六十人注保安也以道安人者也書敘曰周公爲師召

公爲保相成王爲左右聖賢兼此官也音義

召上照反
相息亮反

疏

釋曰保氏在此者以其佐師氏教國子亦是教官故
在此既與師氏同教國子官與府史別者以其教國

子雖同館舍別所故置官有異注釋曰云以道安人者
也者人則是國子也案其職云掌教國子以道人有道

則安故云以道安人者也此師氏保氏皆稱氏者案鄭下注云官有世功則以官族此二官父祖以來皆以道教國子世爲師氏保氏之官則賜之以氏曰師氏保氏自此以下官稱氏者皆此類也云書敘曰周公爲師召公爲保相成王爲左右者此是尚書君奭篇敘云聖賢兼此官也者召公爲賢周公爲聖此二人爲三公分陝以其周公聖下兼此師氏官召公爲賢下兼此保氏官故云聖賢兼此官此鄭君之意謂三公之號無師保之名兼此二官得師保之稱鄭志趙商問案成王周官立太師太傅太保茲惟三公卽三公之號自有師保之名成王周官是周公攝政三年事此周禮是周公攝政六年時則三公自名師保起之在前何也鄭答曰周公左召公右兼師保初時然矣若如此解周公兼師在成王周官前故成王周官稱三公爲太師太傅太保若然太傅者畢公爲之兼世子之官故稱太傅是以文王世子云太傅在前少傅在後若孔君之義三公之號自名師

保不由兼
師氏保氏

司諫中士二人史二人徒二十人注諫猶正也以道正

人行音義

行下疏釋曰司諫在此者案其職云掌糾萬

藝此官則主諫萬民亦是教之義此官徒二十人無胥
者以得徒則了不假長帥故無胥也上下文有徒無胥
者皆此類注釋曰鄭訓諫爲正言以道正
人行者案其職云正其行故鄭就而解之

司救中士二人史二人徒二十人注救猶禁也以禮防

禁人之過者也疏

釋曰案其職云掌萬民之衰惡過失而誅讓之以禮防禁而救之是其以

禮防禁人之過者亦
是教之類故在此

調人下士二人史二人徒十人注調猶和合也疏

釋曰言調

人者鄭云調猶和合也人相殺傷共其難者此調人和合之在此者會赦之後設教使之相避是教官之類故此在

媒氏下士二人史二人徒十人注媒之言謀也謀合異

類使和成者今齊人名麴麴曰媒音義

媒劉音梅麴起六反麴魚列反

又五結反疏釋曰媒氏在此者集名云配儷男女取地徐去穢反疏道生息故在此也注釋曰言謀合異類使

和成者異類謂別姓三十之男二十之女和合使成婚姻云今齊人名麴麴曰媒麴麴和合得成酒醴名之曰

媒言此者欲見謀合異姓得名爲媒之意

司市下大夫二人上士四人中士八人下士十有六人

府四人史八人胥十有二人徒百有二十人注司市市

官之長疏

釋曰案其職云掌市之治教政刑量度禁令以其事治教卽教官之類又市以聚人猶地

之客衆故在此以其市官之長經紀事大故使下大夫尊官爲之也屬官及胥徒又衆也注釋曰市官謂質人已下至泉府司市與之爲長也

質人中士二人下士四人府二人史四人胥二人徒二

十人注質平也主平定物賈者音義

賈音嫁下物賈及賈八人同疏

釋曰在此者案其職云掌成市之貨賄人民牛馬鄭彼注成平也此注質平也主平定物賈者故亦與司市連

類在此

廛人中士二人下士四人府二人史四人胥二人徒二

十人注故書廛爲壇杜子春讀壇爲廛說云市中空地

玄謂廛民居區域之稱音義

廛直連反疏釋曰在此者徐長戰反案其職云掌

斂市之紋布總布質布罰布廛布五種之泉入于泉府故與司市連類在此也注釋曰子春讀壇爲廛不從故書於義是也又說云市中空地以解廛則於義非也故後鄭不從玄謂廛民居區域之稱者見遂人云夫一廛田百畝及載師廛里任國中之地皆是民之所居區域又其職有廛布謂貨賄停儲邸舍之稅卽市屋舍名之爲廛不得爲市中空地

胥師二十肆則一人皆二史賈師二十肆則一人皆二
史司璣十肆則一人司稽五肆則一人胥二肆則一人
肆長每肆則一人注自胥師以及司稽皆司市所自辟
除也胥及肆長市中給繇役者胥師領羣胥賈師定物

賈司璣禁暴亂司稽察留連不時去者音義

賈音古辟必亦反徐

方歷

疏

釋曰自胥師至司稽皆是府史之類非是命士已上其職云平其貨賄胥者有才智之稱師長

也肆謂行列胥師二十肆則一人皆有二史副之助作文書賈師知物價者其職云凡國之賣債各帥其屬而嗣掌其月亦二十肆則一人亦二史副之司璣司猶主也主在市璣亂十肆則一人司稽司主也主在市稽留

之人不時去者五肆則一人胥二肆則一人者此謂市中給繇役少有才智者屬胥師肆長謂行頭每肆則一人亦是市中給繇役者注釋曰知胥師及司稽皆司市所自辟除者以其胥師越賈師等領羣胥則知胥師等並非官賈師與胥師同二十肆則一人二史賈師非官明胥師亦非官也故知皆司市所自辟除也又知胥及肆長是給繇役者以其司稽已上是府史之類明此二者與胥徒同是給繇役者也又知胥師領羣胥者以其同名爲胥二肆則一人其數衆多明有所屬故知胥爲胥師所領也

泉府上士四人中士八人下士十有六人府四人史八

人賈八人徒八十人注鄭司農云故書泉或作錢疏

釋曰

在此者案其職云掌以市之征布故與司市連類在此注釋曰泉與錢今古異名故後鄭引之得通一義

司門下大夫二人上士四人中士八人下士十有六人
府二人史四人胥四人徒四十人每門下士二人府一
人史二人徒四人注司門若今城門校尉主王城十二

門音義

校胡孝反

疏

釋曰

司門在此者案其職云正其貨賄凡物犯禁者舉之以其掌貨賄與司市

相連故亦在此注釋曰案經有每門下士二人據在門
關閉者此司門鄭云若今城門校尉則是都司總監十
二門官故舉漢法況之知王城有十二門者案匠人云
營國九里旁三門四面各三門是有十二門鄭注云十
二門以通十二子也
二子則十二辰也

司關上士二人中士四人府二人史四人胥八人徒八

十人每關下士二人府一人史二人徒四人注關界上

之門疏

釋曰在此者案其職云掌國貨之節以聯門市故與司市連類在此此司關亦是總檢校十二

關所司在國內下云每關下士二人者自在關門開閉注釋曰王畿千里王城在中面有五百里界首面置三

關則亦十二關故云關界上門也

掌節上士二人中士四人府二人史四人胥二人徒二

十人注節猶信也行者所執之信疏

釋曰案其職云掌守邦節辨其用在

此者以其節連於門市故亦連類在此注釋曰案其職云邦國之使節山國虎節凡節者皆行道所用無節者

不達有節乃得行故云行者所執之信

遂人中大夫二人遂師下大夫四人上士八人中士十有六人旅下士三十有二人府四人史十有二人胥十有二人徒百有二十人注遂人主六遂若司徒之於六鄉也六遂之地自遠郊以達于畿中有公邑家邑小都

大都焉鄭司農云遂謂王國百里外疏

釋曰遂人主六遂如司徒主六

鄉但官校卑一等司徒六命卿一人小司徒中大夫二人鄉師下大夫四人此遂人中大夫二人當小司徒處遂師下大夫四人當鄉師處但無六命卿一人以其六鄉爲正六遂爲副故尊卑不同以主事相似故上士已下其數與司徒同自此已下至旅師皆是地事故在此注釋曰鄭知遂人主六遂若司徒之於六鄉者旣名遂

人下文承以遂大夫遂官之等似若大司徒下卽有鄉大夫鄉官之等故知遂人主六遂若司徒之於六鄉也云六遂之地自遠郊以達于畿者案其職云遂人掌邦之野下文以達于畿是其義也云中有公邑家邑小都大都焉但六遂之地只在二百里內亦有公邑故載師職云公邑之田任甸地其公邑自二百里以出至五百里皆有焉家邑大夫采地在稍地三百里小都卿之采地在縣地四百里大都三公王子弟在畺地五百里故載師職云家邑任稍地小都任縣地大都任畺地遂人雖專六遂以其言掌野郊外曰野大總之言以言達于畿故知兼掌此等焉鄭司農云遂謂王國百里外者以其在二百里中故知百里外

遂大夫每遂中大夫一人縣正每縣下大夫一人鄙師每鄙上士一人鄼長每鄼中士一人里宰每里下士一

人鄰長五家則一人注縣鄙鄴里鄰遂之屬別也音義

鄴作

疏

釋曰此遂大夫於六遂各主一遂似鄉大夫各管反

主一鄉但遂大夫已下其官皆卑於鄉官命數皆減一等是以遂大夫每遂中大夫一人不使卿爲之差次至鄰長五家則一人者是不命之士爲之其鄉內比長亦五家一人彼使下士爲之注釋曰以其鄰長已上至縣正皆屬於遂大夫故言遂之屬別與上文州黨族閭比鄉之屬別相似

旅師中士四人下士八人府二人史四人胥八人徒八

十人注主斂縣師所徵野之賦穀者也旅猶處也六遂

之官里宰之師也正用里宰者亦斂民之稅宜督其親

民疏

釋曰六鄉之內所有賦稅閭師徵之閭師斂之此二百里以外至五百里其地廣故縣師徵之旅師

斂之徵斂別官故官屬與胥徒多也注釋曰案其職云掌聚野之耒粟屋粟間粟言野故知主斂縣師所徵野之賦殺者也云旅猶處也六遂之官里宰之師也者里訓爲居旅者衆也衆之所處卽與里義同故鄭云里宰之師也遂官之內縣鄙已下正用里宰爲徵斂之官名者亦是斂民之稅宜督其親民似若六鄉之中取閭名爲徵斂之官故鄭云亦謂亦閭師也

稍人下士四人史二人徒十有二人注主爲縣師令都

鄙丘甸之政也距王城三百里曰稍家邑小都大都自

稍以出焉音義

爲于僞反甸繩正反又如字

疏

釋曰其官在此者其職云掌令丘乘之政

令言卽乘卽三等采地也故與旅師遂人等連類在此
注釋曰云主爲縣師令都鄙丘甸之政也者案其職云
若有會同師田行役之事則以縣師之法故云主爲縣
師令都鄙丘甸之政也云距王城三百里曰稍者案載
師家邑任稍地在三百里內故知三百里曰稍云家邑
小都大都自稍以出焉者以其家邑在三百里小都在
四百里大都自稍以出焉者以其家邑在三百里小都在
百里向外故言自稍以出

委人中士二人下士四人府二人史四人徒四十人注

主斂甸稍芻薪之賦以共委積者也音義委烏偽反注同疏注

曰案其職云掌斂野之賦斂薪芻凡疏材木材凡畜聚
之物故鄭云主斂甸稍薪芻之賦共與遺人在道以供
賓客故云以供委積者也
亦與徵斂之官連類在此

土均上士二人中士四人下士八人府二人史四人胥

四人徒四十人注均猶平也主平土地之政令者也疏

釋曰土均在此者案其職云掌平土地之政均地守均地事均地貢並是徵斂土地之事故在此宜也注釋曰案其職云掌平土地以均地守故云均猶平也是主平土地之政令也

草人下士四人史二人徒十有二人注草除草疏釋曰

者案其職云掌土化之法以物地相其宜而爲之種又云凡糞種駢剛用牛之等皆是土地之事故在此宜也

注釋曰案其職唯有糞種之文無殺草之事鄭云草除草者但糞種者殺草然後種之職雖不言殺草名爲草

人明知除草故鄭云除草也

稻人上士二人中士四人下士八人府二人史四人胥

十人徒百人疏

釋曰在此者案其職云掌稼下地又云澤草所生種之芒種是土地之事故在

此胥徒多者以其并遣營種稻田

土訓中士二人下士四人史二人徒八人注鄭司農云

訓讀爲馴謂以遠方土地所生異物告道王也爾雅云

訓道也玄謂能訓說土地善惡之勢音義

訓如字司農音馴馴似遵

反劉音訓徐餘倫反道音導

疏

釋曰在此者案其職云掌道地圖以詔地事亦是土地之事故在此注釋

曰司農云訓讀爲馴又引爾雅訓道也玄謂能訓說土地善惡之勢不從先鄭者案其職云道地圖道地隱道

自是道說不得更訓以爲道
故後鄭以爲訓說土地善惡

誦訓中士二人下士四人史二人徒八人注能訓說四

方所誦習及人所作爲久時事疏

釋曰在此者案其職云掌道方志以詔觀

事以知地俗亦是土地之事故在此注釋曰知能訓說四方所誦習事者其職云掌道方志謂所識四方久遠之事是其能訓說四方所誦習者也云及人所作爲久時事者案其職云以知地俗鄭注云博事也謂博知古事是其人所作爲久時事者也

山虞每大山中士四人下士八人府二人史四人胥八人徒八十人中山下士六人史二人胥六人徒六十人

小山下士二人史一人徒二十人注虞度也度知山之

大小及所生者音義

度徒洛反下同

疏

釋曰山虞在此者案其職云掌山林之政令物

爲之厲而爲之守禁山林亦是土地之事在此宜也注釋曰言度知山之大小者但山之大小里數雖曰無文據當時量度知其大小然後設官分職使掌之經文有中山鄭唯言大小者畧言之耳云及所生者山中所出金玉錫石禽獸草木或有或無是也

林衡每大林麓下士十有二人史四人胥十有二人徒百有二十人中林麓如中山之虞小林麓如小山之虞注衡平也平林麓之大小及所生者竹木生平地曰林

山足曰麓音義

麓本亦作麓音鹿

疏

釋曰云大林麓下士十有二人者案上山虞中士四

人下士八人相併亦十二人但山虞尊使中士爲官首下士爲之佐此林衡卑故下士自爲官首胥徒多於山虞者以其林麓在平地盜竊林木者多故須巡行者衆以是胥徒持多也中林麓如中山之虞小林麓如小山之虞胥徒不多者以其大林麓據持大者故胥徒持多中小已下自如尋常法故如山虞自此已下至澤虞皆是地事故在地官注釋曰云衡平也平林麓之大小者經有中林麓鄭不言者亦畧言也云竹木生平地曰林者對山中之林自是山虞掌此別言林衡故知竹木生平地者云山足曰麓者爾雅文山足亦有林木與山虞

別官

川衡每大川下士十有二人史四人胥十有二人徒百

有二十人中川下士六人史二人胥六人徒六十人小

川下士二人史一人徒二十人注川流水也禹貢曰九

川滌源音義

滌徒歷反

疏

釋曰川衡者平知川之遠近寬狹及物之所出官及胥徒多者以其

川路長遠巡行勞役故也中川小川之等自若常法故差少注釋曰言川流水也者對澤爲停水又引禹貢九

川滌源者爲禹治洪水已訖九州之川已滌除泉源無壅塞矣引之者證川是流水

澤虞每大澤大藪中士四人下士八人府二人史四人

胥八人徒八十人中澤中藪如中川之衡小澤小藪如

小川之衡注澤水所鍾也水希曰藪禹貢曰九澤旣陂

爾雅有八藪音義

藪素口反
陂彼宜反

疏

釋曰虞亦度也度知澤
之大小及物之所出用

中士尊於川衡者以其澤之所出物衆多胥徒少者以
其巡行處近故也中澤小澤已下皆如川衡者自是常
法注釋曰澤水所鍾者鍾聚也謂聚水於其中更無所
注入案周語靈太子晉云山土之聚澤水之鍾纂要亦
云水所鍾曰澤故知澤水所鍾也云水希曰藪者希乾
也案鄭詩云叔在藪火列具舉舉藪中田獵明知無水
又案爾雅藪在釋地之篇不入釋水故知水希曰藪以
其藪與澤也有水無水爲異故於經別立官掌之案職
方澤藪曰具區之類及毛傳云藪澤皆同爲一者以其
有水則爲澤無水則爲藪元是一物故同解之引禹貢
曰九澤旣陂者亦謂禹治洪水旣訖九州之澤旣已陂
障無決溢矣引爾雅有八藪者禹貢九澤通畿內一州
則有九爾雅云八藪除畿內一州而言引此二文者證
藪澤有異案爾雅釋有十者以其周秦同在雍州秦有

楊紆周有焦護一州有二故十又爾雅秦有
楊陟職方冀州有楊紆蓋異所而同名也

迹人中士四人下士八人史二人徒四十人注迹之言

跡知禽獸處疏

注釋曰案其職云掌邦田之政亦是地事故在此

升人中士二人下士四人府二人史二人胥四人徒四

十人注升之言礦也金玉未成器曰礦音義

升徐音礦號猛反劉

侯猛反礦號猛反

疏

注釋曰經所云升是總角之升字此官取金玉於升字無所用故轉從石邊廣以其

金玉出於石左形右聲從礦字也云金玉未成器曰礦以其此官不造器物直取金錫玉石以供冬官百工故

言金玉未成器曰礦金玉之等出於地故在此也

角人下士二人府一人徒八人疏

釋曰案其職云掌以時徵齒角凡骨物於

山澤之農以其是徵斂之官故亦在此

羽人下士二人府一人徒八人疏

釋曰案其職云掌以時徵羽翮之政于山

澤之農亦是徵斂之官故在此

掌葛下士二人府一人史一人胥二人徒二十人疏

釋曰

案其職云掌以時徵絺綌之事故在此

掌染草下士二人府一人史二人徒八人注染草藍蒨

象斗之屬音義

蒨千見反象本或作椽音同

疏

注釋曰案其職云掌以春秋斂染草之物

亦徵斂之官故在此藍以染青菡以染赤象斗染黑案其職注云染草茅蒐索蘆豕首紫荊之屬二注不同者染草既多言不可盡故互見畧言耳

掌炭下士二人史二人徒二十人疏

釋曰案其職掌灰物炭物之徵令以

時入之以其徵斂之官故亦在此

掌荼下士二人府一人史一人徒二十人注荼茅莠音

義

荼音徒徐音餘莠劉音酉毛詩注作秀

疏

注釋曰案其職云掌以時聚荼以共喪事徵野疏材以其

徵斂之官故亦在此

掌蜃下士二人府一人史一人徒八人注蜃大蛤月令

孟冬雉入大水爲蜃音義

蜃上忍反疏注釋曰案其職蛤古答反云掌斂互物蜃

物以共閭墻之蜃亦徵斂之官故在此言蜃大蛤者對雀入大水化爲蛤者爲小蛤引月令雉入大水爲蜃者

案國語大水淮也

圉人中士四人下士八人府二人胥八人徒八十人注

圉今之苑音義

又音

疏

釋曰案其職云掌圉苻之獸禁圉是地之用故在此注釋曰此

據漢法以況古古謂之圉漢家謂之苑

場人每場下士二人府一人史一人徒二十人注場築

地爲墠季秋除圃中爲之詩云九月築場圃十月納禾

稼音義

瑛音善圃音補又音布

疏

釋曰言每場者以其九穀別場故言每以殊之場亦地之用故

在此注釋曰除地曰墾築堅始得爲場故云墾築地爲墾也云季秋除圃中爲之者以其春夏爲圃以種菜蔬至季秋始爲場引詩曰九月築場圃十月納禾稼者此七月詩引之證圃中爲場之意

廩人下大夫二人上士四人中士八人下士十有六人

府八人史十有六人胥三十人徒三百人注盛米曰廩

廩人舍人倉人司祿官之長音義

廩力甚反倉也盛音成

疏

釋曰此官

使下大夫爲官首徒三百人又多者以其米廩事重出納又多故也故其職云掌九穀之數以其米穀地之所長成故在此注釋曰藏米曰廩者對下倉人藏穀曰倉云廩人舍人倉人司祿官之長者以其舍人已下同掌

米穀之事皆以士爲之故廩人下大夫與之爲長

舍人上士二人中士四人府二人史四人胥四人徒四

十人注舍猶宮也主平宮中用穀者也疏

釋曰在此者案其職云掌

平宮中之政分其財守以法掌其出入謂平宮中米穀多少故與廩人倉人連類在此注釋曰鄭訓舍爲宮者案其職云掌平宮中之政故就職內主平宮中用穀解之

倉人中士四人下士八人府二人史四人胥四人徒四

十人疏

釋曰倉人在此者案其職云掌粟之藏如廩人米粟地之所成故也

司祿中士四人下士八人府二人史四人徒四十人注

主班祿疏

注釋曰在此者其職既闕未知所掌云何但班祿者用粟與之司祿職次倉人明是班多

少之官故鄭云主班祿故與倉人連類在此

司稼下士八人史四人徒四十人注種穀曰稼如嫁女

以有所生疏

注釋曰云種穀曰稼者對收斂曰穡也在者其職云巡野觀稼出斂法亦是徵斂

地事故連類在此

春人奄二人女春抗二人奚五人注女春抗女奴能春

與抗者抗扃白也詩云或春或抗音義

奄於檢反劉於驗反抗音由又

音揄或羊笑疏釋曰有奄者以其與女奴同處故也在反扃時女反疏此者與倉人廩人饒人連事故亦連類

在此其職云掌祭祀賓客牢禮之米所共多矣而春人少者蓋舉其能者亦應兼有別矣於其中矣注釋曰引詩或春或抗者彼生民詩引之者證春抗之事也

饎人奄二人女饎八人奚四十人注鄭司農云饎人主

炊官也特牲饋食禮曰主婦視饎饔故書饎作饎音義

饎尺志反注饎疏釋曰在此者其職云凡祭祀共盛共同饔七亂反王及后之六食凡賓客共其簋簋不

在天官而在此者以其因春人又因地道之成故在此

豪人奄八人女豪每奄二人奚五人注鄭司農云豪讀


爲搞師之搞主冗食者故謂之搞音義

豪注音搞同苦報反冗如勇反

疏

釋曰案其職云掌共外内朝冗食者之食所共處多故有奄八人又女豪每奄二人奚五人也注釋曰案

左傳春秋僖三十三年秦人將襲鄭鄭商人弦高將市於周遇之以乘韋先牛十二頭犒秦師遂詐之云鄭使以須犒勞軍師引之者以在朝之人不得歸家亦枯犒以須犒勞之故名其官爲犒人亦同廩人連類在此



周禮注疏卷九

周禮注疏卷九考證

乃立地官司徒疏其實五中雖不含十二十二亦含有
五○監本脫十二兩字詳繹文義則虞有五教周司
徒職有十二當疊用之乃明

鄉老注司勲職曰掌六鄉之賞地○掌監本訛作賞今
据原文改正

牛人注九十其犢○釋文淳作犢亦可爲司裘注中羣
字之證

載師注冀州既載○

臣照

按此康成讀禹貢異於孔傳

之解者

間師疏恐不能細悉其民○悉一本作委

媒氏疏媒氏在此者集名云○集名未詳何書疑釋字
之訛

遂大夫里宰每里下士一人○一人石經作二人訛

林衡胥十有二人○二字監本訛一今据石經及各本

改正

澤虞疏案周語靈太子晉云○周語靈太子監本訛作
周語虞太子今据下文是周靈王太子晉之言改正
倉人疏倉人在此者○監本脫在此者三字

周禮注疏卷九考證

欽定四庫全書

經部

周禮注疏卷十

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官助教_臣汪錫魁

謄錄監生_臣程元鼎

欽定四庫全書

周禮注疏卷十

漢鄭氏注

唐陸德明音義

賈公彥疏

大司徒之職掌建邦之土地之圖與其人民之數以佐

王安擾邦國注土地之圖若今司空郡國輿地圖疏

釋曰

司徒既欲佐王安擾邦國故先須知土地之圖人民之數注釋曰案漢蕭何收秦圖籍以知天下阨塞廣遠至

後漢乃有司空郡國輿地圖輿者車輿其前牙曲地形不可正方故云輿地圖案職方亦云掌天下之圖注直

云如今司空輿地圖不云郡國者彼以司馬主九畿并夷狄而言故不得云郡國此經云主人民之數則唯據

九州之中郡國在九州之內故此注云郡國也以天下土地之圖周知九州之

地域廣輪之數辨其山林川澤丘陵墳衍原隰之名物

注周猶徧也九州揚荊豫青兗雍幽冀并也輪從也積

石曰山竹木曰林注瀆曰川水鍾曰澤土高曰丘大阜

曰陵水崖曰墳下平曰衍高平曰原下溼曰隰名物者

十等之名與所生之物音義

廣古曠反墳扶云反原本又作逢徧音遍雍於用反

從子疏

釋曰上經云土地圖為人民之數而言之此經云土地圖據十等土地而說也故云周知九州

之地域廣輪之數馬融云東西為廣南北為輪案王制南北兩近一遙東西兩遙一近是南北長東西短謂知

此數也又辨其山林川澤以下十等形狀名貌及所出之物也注釋曰九州揚荆以下據職方周之九州而言故有幽并無徐梁禹貢據夏以前九州故有徐梁無幽并也云輪從也者據南北義與馬同不釋廣者東西可知云積石曰山者案詩云節彼南山維石巖巖鄭云巖巖積石貌鄭據此而言案爾雅山丘別釋則丘是純土其山皆石亦有兼土者故曰石戴土謂之崔嵬又周語云夫山土之聚是其山有土也云竹木曰林者謂生平地以其山林川澤別官故知竹木生平地曰林云注瀆曰川者案釋水云注川曰谿注谿曰谷注谷曰溝注溝曰澮注澮曰瀆彼注云皆以小注大大小異名言注澮曰瀆者謂以澮中水注入瀆中使有所去此云注瀆曰川者爾雅無此言鄭以義增之耳謂以瀆中水注入川案職方九州皆有川故知從瀆入川此瀆與四瀆義異四瀆則亦川故職方云其川三江其川江漢也云水鍾曰澤者周語靈大子晉之言也云土高曰丘者爾雅山

丘別釋則丘無石者也云大阜曰陵者索爾雅釋地云
高平曰陸大陸曰阜大阜曰陵大陸曰阿可食者曰原
是陵與丘高下異稱皆無石者也其有石者亦曰陵故
左氏僖三十二年云穀有二陵南陵夏后臯之墓也其
北陵文王之所避風雨是有石者也云水崖曰墳者索
爾雅云重崖岸墳大防是墳為崖岸之峻者故知水崖
曰墳故詩云遵彼汝墳是汝水之大防亦是水崖曰墳
也云下平曰衍者此十地皆兩兩相對為名墳既水崖
而高明衍為下平此下平又與下溼曰隰者別也云高
平曰原者案爾雅云廣平曰原高平曰陸不云高平曰
原此言高平曰原者對下溼曰隰而言其實高平即廣
平者也爾雅高平曰陸者據山傍平者故下云可食者
曰原也云下溼曰隰者爾雅釋地文若然禹貢云大陸
既作注大陸地者爾雅釋地八藪晉有大陸彼是藪澤
之地稱與高平曰陸者別也云十等之名者山林以下
十等名異也云與所生之物者即下文土會之法以下

是也

而辨其邦國都鄙之數制其畿疆而溝封之設其社

稷之壇而樹之田主各以其野之所宜木遂以名其社

與其野注千里曰畿疆猶界也春秋傳曰吾子疆理天

下溝穿地為阻固也封起土界也社稷后土及田正之

神壇壇與壝埒也田主田神后土田正之所依也詩人

謂之田祖所宜木謂若松栢栗也若以松為社者則名

松社之野以別方面音義

壇維癸反別疏釋曰云辨其彼列反下同邦國者謂分

別畿外諸侯邦國多少之數謂若王制云畿外八州州
二百一十國也云辨其都鄙之數者謂分別畿內三等

采地之數謂若王制畿內九十三國也云制其畿疆者
王畿內千里中置王城面有五百里其邦國都鄙亦皆
有畿界也云而溝封之者謂於疆界之上設溝溝為封
樹以為阻固也云設其社稷之壇者謂於中門之外右
邊設大社大稷王社王稷又於廟門之屏設勝國之社
稷其社稷外皆有壇埒於四面也云而樹之田主者謂
籍田之內依樹木而為田主云各以其野之所宜木者
王之田主唯一而已不得云各今云各者總據邦國都
鄙并王者而言也云遂以名其社與其野者謂假令以
松為社則名松社之野餘皆放此也注釋曰云千里曰
畿者職方文云春秋傳曰吾子疆理天下者案左氏傳
成二年韋之戰齊侯使國佐賂晉師晉人不許曰使齊
之封內盡東其畝國佐對云先王疆理天下物土之宜
故詩云我疆我理南東其畝今吾子疆理諸侯彼云先
王疆理天下又云吾子疆理諸侯此文也云溝穿地為阻固
不同者鄭以義言之非傳之正文也云溝穿地為阻固

也者謂穿地為深溝即是阻固也云封起土界也者穿溝出土於岸即為封封即是起土界也云社稷后土及田正之神者鄭義依孝經緯社者五土之總神以句龍生時為后土官有功於土死配社而食稷是原隰之神宜五穀五穀不可遍舉稷者五穀之長立稷以表神名故號稷棄為堯時稷官主稼穡之事有功於民死乃配稷而食名為田正也故云社稷后土及田正之神雙言之耳云壇壇與堦埒也者經直云壇壇即堦埒不云壇以壇在壇之四面為之明中有壇可知故鄭兼云壇也案禮記郊特牲云君南面於北墉下鄭注云北墉社內北墉彼社雖無室壇外四面有壁壁外乃有壇耳若然封人云設王之社壇者彼官卑主設之此大司徒尊官直主其制度而已云田主田神后土田正之所依也者此田主當在藉田之中依樹木而為之故云各以其土地所宜木云田主田神者謂郊特牲云先穡與神農一也若然鄭意以田主為神農則無后土及田正之神直

以神農為主祭尊可以及卑故使后土田正二神憑依之同壇共位耳田正則郊特牲所云司嗇一也又引詩人謂之田祖者詩云以御田祖毛云田祖先穡籥章亦云凡國祈年于田祖鄭云田祖始耕田者謂神農也引論語哀公問社於宰我對云夏后氏以松楸栗也者是人以栗彼三代所都異處所宜之木不同夏居平陽宜松楸居亳宜栢周居鎬京宜栗此經雖據周一代而言其邦國都鄙異處所宜之木亦復不同故云若松栢栗也云若以松為社者則名松社之野者此取松為社假設而言耳云以別方面者但四方宜木面各不同或一方宜松則以松為社以別餘之方面耳以土會之灋辨五地之物生一曰山林其動物宜毛物其植物宜早物其民毛而方二曰川澤其動物宜鱗物其植物

宜膏物其民黑而津三曰丘陵其動物宜羽物其植物
宜覈物其民專而長四曰墳衍其動物宜介物其植物
宜莢物其民皙而瘠五曰原隰其動物宜羸物其植物
宜叢物其民豐肉而庠注會計也以土計貢稅之法因
別此五者也毛物貂狐貉貉之屬縠毛者也鱗物魚龍
之屬津潤也羽物翟雉之屬覈物李梅之屬專園也介
物龜鼈之屬水居陸生者莢物薺莢王棘之屬皙白也
瘠臞也羸物虎豹貔獬之屬淺毛者叢物荏葦之屬豐

猶厚也庠猶短也杜子春讀生為性鄭司農云植物根
生之屬早物柞栗之屬今世間謂柞實為阜斗膏物謂
楊柳之屬理致且白如膏玄謂膏當為橐字之誤也蓮

芡之實有橐韜音義

會古外反注同鱗劉本作麴音鱗津如字一

本作濫音同潤也麴音核專徒九反注同長如字下注
長於土圭同介音界芡古協反替音錫白色也羸力果
反叢才東反肉如字劉而樹反庫音婢貂音彤貓吐官
反貉胡洛反依字作貉縛音辱一音如勇反團音圓又
徒丸反臞其俱反又作耀音稍與考工記耀後音同貌
音毗一音房私反獬勑宜反萑音丸葦于鬼反柞子洛
反致直記反橐古毛反劉疏釋曰云會計也以土地計
古到反芡音儉韜吐刀反反疏會所出貢稅之法貢稅出

於五地故須說五地所生不同也故云以土會之法也
云辨五地之物生者但天之所覆地之所載地有五等
所生無過動植及民耳故云辨五地之物生上經云十
等此云五地不同者上經細別而言則十等以類相并
而言故五等其實一也一曰山林者此五地以高下相
對故一曰山林山林高之極者二曰川澤川澤下之極
者故以為對也又五地之內以民之資生取於動植之
物故先言動植後言民也山林之中其動物宜毛物其
植物宜阜物其民毛而方此五地人物之等皆方以類
聚物以羣分及民之所生皆因地氣所感不同故使形
類有異也注釋曰案宰夫職云歲計曰會故云會計也
鄭知以土計貢稅之法者以五地中而云會計者唯有
貢稅之法故鄭云以土計貢稅之法因別此五者也云
毛物貂貉狔貉貉之屬者依爾雅而言耳案爾雅云貂
貉同文此云貂貉不言狸者鄭君所讀爾雅者為貂
不為狸也言之屬者山林之中毛者甚衆故以之屬總

之也言縛毛者謂毛之細縛者也云鱗物魚龍之屬者案月令春云其蟲鱗鄭云蛇不言魚者有足曰蟲無足曰豸經云其蟲鱗魚無足故不言魚其實魚入鱗內可知也此經云川澤宜鱗物鱗物以魚為主有魚龍有蛇可知故不言蛇也云津潤也者以其民居澤近水故有津潤但入水見日則黑故民黑津也云羽物翟雉之屬者案禹貢徐州貢羽畎夏翟則翟雉也以雉乃羽中之貴物故丘陵所宜羽物者是翟雉也云覈物李梅之屬者鄭以丘陵阪險宜叢杏及李梅等目驗可知故云李梅之屬中有棗杏也云專園也者此丘陵地氣使之然也云介物龜鼈之屬水居陸生者此陸生謂陸地生子及生訖即入水而居故云水居陸生也五行傳云貌之不恭則有龜蓂注云龜蟲之生於水者亦謂生居在水中非謂初生在水彼生與此鄭云陸生之生義異也又云茭物薺莢王棘之屬者薺莢即今人謂之阜莢蓋誤云阜當言薺也王棘即士喪禮云王棘若擇棘者是也

棘雖無莢蓋樹之枝葉與薺莢相類故并言之也云皙
白也者此民居於墳衍地氣宜白又見詩云揚且之皙
皙為白可知也云瘠臞也者案爾雅釋言云臞瘠瘠也
注云齊人謂瘠瘦為臞則臞為瘦小之貌故鄭云瘠也
云羸物虎豹豺獾之屬者考工記梓人職說大獸而云
厚脣弇口出目短耳大胃燿後若是者謂之羸屬又爾
雅有虎有豹故知羸物為虎豹也但爾雅及諸經不見
有獾曲禮云載獾狝此鄭云獾獾獾即狝也云淺毛者
若以淺毛言之則入羸蟲中故月令中央土其蟲羸鄭
云虎豹之屬恒淺毛若據有毛言之即為毛蟲故白虎
入西方毛蟲之長也云叢物萑葦之屬者詩云萑葦淠
淠是二者各以類聚也杜子春讀生為性性亦訓為生
義既不殊故後鄭不破之也鄭司農云植物根生之屬
先鄭對動非植生為號也阜物柞栗之屬者柞實之皮
得染阜故引今世猶謂柞實為阜斗為證其栗雖不得
染阜其皮亦阜斗之類故與柞同為阜物也云膏物謂

楊柳之屬理致且白如膏者先鄭以物色上鮮之後鄭不從者以其上下云動植者皆不以色上為名先鄭獨此一者取義於色故後鄭易之玄謂膏當為橐者經云膏是脂膏之膏於植物義無所取直是字誤故破從橐也云蓮芡之實有橐韜者以其是川澤所生故知是蓮芡之實皆有外皮橐韜其實者也案大司樂一變而致川澤之示先言川澤後云山林者彼取神之易致為先故先言川澤此取尊卑高下相對故先言山林也又彼云五變而致土示注云土祇原隰及平地因此五物者此中不見平地者亦原隰中可以兼之也

民之常而施十有二教焉一曰以祀禮教敬則民不苟二曰以陽禮教讓則民不爭三曰以陰禮教親則民不怨四曰以樂禮教和則民不乖五曰以儀辨等則民不

越六曰以俗教安則民不愉七曰以刑教中則民不競
八曰以誓教恤則民不怠九曰以度教節則民知足十
曰以世事教能則民不失職十有一曰以賢制爵則民
慎德十有二曰以庸制祿則民興功注陽禮謂鄉射飲
酒之禮也陰禮謂男女之禮昏姻以時則男不曠女不
怨儀謂君南面臣北面父坐子伏之屬俗謂土地所生
習也愉謂朝不謀夕恤謂災危相憂民有凶患憂之則
民不解怠度謂宮室車服之制世事謂士農工商之事

少而習焉其心安焉因教以能不易其業慎德謂矜其
善德勸為善也庸功也爵以顯賢祿以賞功故書儀或
為義杜子春讀為儀謂九儀音義爭爭闕之爭愉音愉又音愉
佳賣反少疏釋曰上經云五地之物生動植及民生處
詩照反疏釋曰上經云五地之物生動植及民生處
常生之處施之故云因此五物者民之常而施十二教
也云一曰以祀禮教敬則民不苟者凡祭祀者所以追
養繼孝事死如事生但人於死者不見其形多有致慢
故禮云祭極敬也是以一日以祀禮教敬死者尚敬則
生事其親不苟且也二曰以陽禮教讓則民不爭者謂
鄉飲酒之禮酒入人身散隨支體與陽主分散相似故
號鄉射飲酒為陽禮也鄉飲酒即黨正飲酒之類是也
黨正飲酒之時五十者堂下六十者堂上皆以齒讓為

禮則無爭故云以陽禮教讓則民不爭也三曰以陰禮教親則民不怨者以陰禮謂昏姻之禮不可顯露故曰陰禮也男女本是異姓冕而親迎親之也親之也者親之也使之親已是昏禮相親之義昏姻及時則男女無有怨曠故云以陰禮教親則民不怨也四曰以樂禮教和則民不乖者自一曰至三曰已上皆有揖讓周旋升降之禮此樂亦云禮者謂饗燕作樂之時舞人周旋皆合禮節故樂亦云禮也凡人乖離皆由不相和合樂主和同民心故民不乖也五曰以儀辨等則民不越者儀謂以卑事尊上下之儀有度以辨貴賤之等故云以儀辨等也民知上下之節不敢踰越故云則民不越也六曰以俗教安則民不愉者俗謂人之生處習學不同若變其舊俗則民不安而為苟且若依其舊俗化之則民安其業不為苟且故云以俗教安則民不愉愉苟且也七曰以刑教中則民不醵者刑者禁民醵亂今用刑得所民得中正不為醵亂故云以刑教中則民不醵也八

曰以誓教恤則民不怠者民有厄喪教之使相憂恤則民不懈怠也九曰以度教節則民知足者度謂衣服宮室之等尊卑不同以此法度教之使知節數民知禮節自知以少為足故云則民知足也十曰以世事教能則民不失職者父祖所為之業子孫述而行之不失本職故云以世事教能則民不失職也十有一曰以賢制爵則民慎德者人有賢行制爵與之爵民皆謹慎矜於善德以求榮寵故云以賢制爵則民慎德也十有二曰以庸制祿則民興功者庸功也人有功則制祿與之民皆興其功業故云則民興功也此十二教以重急者為先輕緩者為後注釋曰云陽禮謂鄉射飲酒之禮者以是陽禮而云教讓其鄉射是州長射禮鄉飲酒是黨正飲酒皆有正齒位鄉飲酒為敬讓之事故知陽禮是二事若然鄉中有鄉射鄉飲酒以其州長黨正皆屬於鄉大夫或鄉大夫所居州黨故雖州長射黨正飲酒亦號曰鄉也云陰禮謂男女之禮者以其言陰又云不怨故知是

男女昏姻之禮也云昏姻以時則男不曠女不怨者此約雄雉詩序文軍旅數起大夫久役男女怨曠注云國人不處軍役之事故男女多怨曠也男曠而苦其事女怨而望其君子此經直云不怨據女而言文不具顯故鄭兼言曠也若然彼詩據舊成夫婦此文據配合得時雖不同若失時怨曠不異故引為證也云儀謂君南面臣北面父坐子伏之屬者紫易乾鑿度云不易也者其位天在上地在下君南面臣北面父坐子伏此其不易也鄭依此言其不易也仍有天地不易不言故云之屬以兼之也云俗謂土地所生習也者謂若下曲禮云君子行禮不求變俗居喪之禮哭泣之位皆如其國之故而審行之是其故俗所習也云愉謂朝不謀夕者案春秋左氏襄公三十一年穆叔至自會見孟孝伯語之曰趙孟將死矣其語愉又孝伯曰人生幾何誰能無愉朝不及夕將安用樹穆叔出而告人曰孟孫將死矣吾語諸趙孟之愉也而又甚焉昭元年天王使劉定公勞

趙孟於頴館於洛汭劉子曰美哉禹功明德遠矣微禹
吾其為魚乎吾與子弁冕端委以治民臨諸侯禹之力
也子盍遠績禹功而大庇民乎對曰老夫罪戾是懼焉
能恤遠吾儕偷食朝不謀夕何其長也劉子歸以語王
曰諺所謂老將至而耄及之者以此而言之鄭似依昭
元年傳也云恤謂災危相憂民有凶患憂之則不懈怠
者災危凶憂謂若遭水旱之災歲凶年穀不登有無相
濟是其相憂令不懈怠也云度謂宮室車服之制者謂
若典命云上公九命國家宮室車旗衣服禮儀及侯伯
子男已下各依命數是其制度也云世事謂士農工商
之事少而習焉其心安焉因教以能不易其業者案齊
語云桓公曰成民之事若何管子曰四民者勿使雜處
雜處則亂昔聖王處士就閑燕處工就官府處商就市
井處農就田野又云士之子恒為士工之子恒為工商
之子恒為商農之子恒為農少而習焉其心安焉是世
事也云慎德謂矜其善德勸為善者民能矜矜然求其

善德又相勸為善也云庸功也者此經云以庸制祿司
士云以功詔祿庸即功其理同也云故書儀或為義杜
子春讀為儀者不從故書讀從大以土宜之灋辨十有
宗伯九儀一命至九命作伯也

二土之名物以相民宅而知其利害以阜人民以蕃鳥

獸以毓草木以任土事注十二土分野十二邦上繫十

二次各有所宜也相占視也阜猶盛也蕃蕃息也育生

也任謂就地所生因民所能音義

相息亮反注同毓音育分扶問反

疏

釋曰云以土宜之法辨十有二土之名物者十二土各
有所宜不同所出之物及名皆異故云以土宜之法辨
十有二土之名物也云以相民宅者謂既知十二土之
所宜以相視民居使之得所也云而知其利害者十二

土之中利處居之害處遠之以阜盛人民以蕃息鳥獸以毓生草木者皆由知利害使之然也云以任土事者辨十有二土任人性居之注釋曰云十二土分野十二邦上繫十二次各有所宜也者案保章氏以星土辨九州之地注云星土星所主土又云大界則曰九州州中諸國之封域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也娵訾衡也降婁魯也大梁趙也實沈晉也鶉首秦也鶉火周也鶉尾楚也壽星鄭也大火星宋也析木燕也如是天有十二次日月之所躔地有十二土王公之所國又周語伶州鳩云昔武王伐商歲在鶉火又云歲之所在則我之分野故知分野十二邦上繫十二次各有所宜也若然唐虞及夏萬國殷周千七百七十三國皆依附十二邦以繫十二次若吳越同次之類也凡繫星之法皆因王者所命屬焉故昭元年左傳云晉侯有疾鄭公孫僑如晉聘且問疾叔向問焉曰寡

君之疾病卜人曰實沈臺駘為崇史莫之知敢問此何神也子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰為商星遷實沈於大夏主參唐人是因以服事夏商又云及成王滅唐而封大叔焉故參為晉星又襄九年晉士弱云陶唐氏之火正閼伯居商丘祀大火相土因之故商主大火是皆先王命祀之法也案元命包云國君王者封上應列星之位注云若角亢為鄭房心為宋凡其餘皆繫星也又云任謂就為附庸若然附庸不繫星其餘皆繫星也又云任謂就地所生因民所能者地之所生出物不同民之所資事業有異謂若居山者利其金玉錫石禽獸材木居澤者利其魚鹽居陸者利其田蠶是其任

辨十有二壤之物

而知其種以教稼穡樹藝注壤亦土也變言耳以萬物

自生焉則言土土猶吐也以人所耕而樹蓺焉則言壤
壤和緩之貌詩云樹之榛栗又曰我蓺黍稷蓺猶蒔也

音義

種章勇反榛側疏釋曰此十二壤即上十二土上
人反蒔時至反經論居人物之事此經辨其種

殖所宜故變其文云辨十二壤之物者分別湯之所生
而知其所殖之種遂即以教民春稼秋穡以樹其木以
蓺其黍稷也注釋曰上經既欲居民不必皆須樹蓺故
云土取萬物自生為名此經據樹蓺而言故變云壤取
和緩為義故鄭云變言耳詩云樹之榛栗是定之方中
詩引之證經樹是植木又曰我蓺黍稷是楚茨之詩引
之證經蓺是黍稷也以土均之灋辨五物九等制天下之地征以

作民職以令地貢以斂財賦以均齊天下之政注均平

也五物五地之物也九等騁剛赤緹之屬征稅也民職

民九職也地貢貢地所生謂九穀財謂泉穀賦謂九賦

及軍賦音義

騁雖營反緹音低

疏

釋曰以土均之法辨五物者即上山林川澤之等是也云

九等者據五地之內分為九等之地騁剛赤緹之屬糞種所宜不同也云制天下之地征者言天下則并畿外邦國所稅入天子而言也此地征與下為目也以作民職者民有職業乃可稅之云以今地貢者地貢即九職之稅也云以歛財賦者歛財即大宰九賦歛財賄一也既言財又別言賦者欲見財既為九賦歛財賦中又兼有軍賦故財賦殊言之云以均齊天下之政者大司徒以法均齊之天下皆使依法故云均齊天下之政也注釋曰九等知是騁剛之屬者但地或云十等或云五地或云十二土皆無云九等者案草人職云騁剛赤緹之

屬有九等皆是地勢所宜糞種之法故鄭以驛剛赤緹之屬解之云地貢貢地所生謂九穀者案大宰以九職任萬民即云一曰三農生九穀此經云以作民職為九職即云令地貢明貢是九穀可知云財謂泉穀者案大宰云以九賦歛財賄彼注亦云財泉穀則以泉穀當賦泉之數也云賦謂九賦及軍賦者以經云財賦不得為一事解之今鄭以賦為軍賦者則賦中兼以土圭之灋軍賦謂甲士三人步卒七十二人之等

測土深正日景以求地中日南則景短多暑日北則景長多寒日東則景夕多風日西則景朝多陰注土圭所以致四時日月之景也測猶度也不知廣深故曰測故書求為救杜子春云當為求鄭司農云測土深謂南北

東西之深也日南謂立表處大南近日也日北謂立表處大北遠日也景夕謂日跌景乃中立表之處大東近日也景朝謂日未中而景中立表處大西遠日也玄謂晝漏半而置土圭表陰陽審其南北景短於土圭謂之日南是地於日為近南也景長於土圭謂之日北是地於日為近北也東於土圭謂之日東是地於日為近東也西於土圭謂之日西是地於日為近西也如是則寒暑陰風偏而不和是未得其所求凡日景於地千里而

差一寸音義

深尺鵠反景如字本或作影非下及注同度待洛反下同近附近之近下同遠于萬

反跌待疏

釋曰紫玉人職云土圭尺有五寸周公攝政四年欲求土中而營王城故以土圭度日景

之法測度也度土之深深謂日景長短之深也正日景者夏至晝漏半表北得尺五寸景正與土圭等即地

中故云正日景以求地中也日南則景短多暑者周公度日景之時置五表五表者於潁川陽城置一表為中

表中表南千里又置一表中表北千里又置一表中表東千里又置一表中表西千里又置一表今言日南景

短多暑者據中表之南表而言亦晝漏半立八尺之表表北得尺四寸景不滿尺五寸不與土圭等是其日南

是地於日為近南景短多暑不堪置都之事也云日北者據中表之北表而言亦晝漏半表北得尺六寸景是

地於日為近北是其景長多寒之事也云日東則景夕多風者據中表之東表而言亦於晝漏半中表景得正

時東表日已跌矣是地於日為近東晝漏半已得夕景故云景夕多風云日西則景朝多陰者據中表之西表而言是地於日為近西亦於晝漏半中表景得正時西表日未中仍得朝時之景故云日西則景朝多陰此經皆未得所求耳解洪範之義依五行傳風屬中央雨屬東方今西方云多陰東方云多風者土為木妻木為金妻從妻所好故月離於箕風揚沙月離於畢俾滂沱故此東方多風西方多陰陰即雨也注釋曰紫馮相氏云冬夏致日春秋致月皆以土圭度之是以冬官考工記云土圭尺有五寸以致日故鄭云土圭所以致四時日月之景也云測猶度不知廣深故曰測者廣深喻遠近以經云測土深故鄭云廣深也鄭司農云測土深謂南北東西之深者先鄭據經云日南日北日東日西皆以土圭測度之先鄭又云日南謂立表處大南近日云云先鄭之意日於地中而在南故以南表為近日北表為遠日日出東方而西流故以東表為近日西表為遠日

云景夕謂日跌景乃中者於晝漏半東表日跌中表景乃中又云景朝謂日未中而景中者亦於晝漏半西表日未中而中表景乃中也玄謂晝漏半而置土圭表陰陽審其南北者後鄭釋景長短之意度景之法冬至夏至皆可為之皆據晝漏半者以取日正午乃得其端直也云表陰陽者東方西方是陰陽故別云審其南北也又云景短於土圭謂之日南是地於日為近南云云後鄭之義與先鄭不殊更云是地於日為近南已下者先鄭云近日遠日恐人以為南方東方地高為近日北方西方地下為遠日有此地高下之嫌故後鄭增成先鄭之義云是地於日為近北於日為近東於日為近西取四方之表皆去中表千里而云是立表之處其地於天下之日為近南為近北為近東為近西也云如是則寒暑陰風偏而不和是未得其所求者此言對下經地中是陰陽風雨和會為得所求也云凡日景於地千里而差一寸者案三光考靈耀云四游升降於三萬里中下

云日至之景尺有五寸謂之地中則是半三萬里而萬
五千里與土圭等是千里差一寸算法亦然言此者欲
見經日南日北之等皆去中表千里為術景長景短皆
差一寸耳知表皆高八尺而以晝漏半者以其通卦驗
云冬至至樹八尺之表日中視其晷是
以知用八尺表而以晝漏半度景也 日至之景尺有五

五寸謂之地中天地之所合也四時之所交也風雨之
所會也陰陽之所和也然則百物阜安乃建王國焉制
其畿方千里而封樹之注景尺有五寸者南戴日下萬
五千里地與星辰四遊升降於三萬里之中是以半之
得地之中也畿方千里取象於日一寸為正樹樹木溝

上所以表助阻固也鄭司農云土圭之長尺有五寸以夏至之日立八尺之表其景適與土圭等謂之地中今

潁川陽城地為然疏

釋曰上經置五表於四方四表未得所求今於中表夏日至亦晝漏

半立八尺之表表北得景尺有五寸景與土圭等謂之地中於此地中之所天地之所合也者天地不合萬物不生天地配合萬物乃生故樂記云天地訢合是也四時之所交也者即尚書所云宅南交孔云言夏與春交舉一隅以見之則秋與夏交冬與秋交春與冬交可知故云四時所交也風雨之所會也者風雨所至會合人心謂若禮器云饗帝於郊風雨寒暑時是也陰陽之所和也者謂若昭四年左氏申豐云冬無愆陽夏無伏陰是其陰陽和也然則百物阜安者總結上句所合已下然猶如是阜盛也如是四事得所則百物盛安也乃建

王國焉者建立也於此盛安之處乃立王之國城焉制其畿方千里者王畿千里以象日月之大中置國城面各五百里制畿界而封樹之者於畿疆之上而作深溝土在溝上謂之為封封上樹木以為阻固故云而封樹之注釋曰云景尺有五寸者欲釋經景尺有五寸得地中之意云南戴日下萬五千里者景一寸差千里故於地中尺五寸景去南戴日下萬五千里云地與星辰四游升降於三萬里之中者考靈耀文言四游升降者春分之時地與星辰復本位至夏至之日地與星辰東南游萬五千里下降亦然至秋分還復正至冬至地與星辰西北游亦萬五千里上升亦然至春分還復正進退不過三萬里故云地與星辰四游升降於三萬里之中是以半之得地之中也云畿方千里取象於日一寸為正者鄭注王制象日月之大亦取晷同此云取象於日一寸為正不言象日月之大者略不言之矣云一寸為正者即是景一寸地千里與王制注晷同一也案元命

包云日圓望之廣尺以應千里故鄭注王制云象日月之大也又案考靈耀曰從上臨下八萬里天以圓覆地以方載河圖括地象曰天不足西北地不足東南西北為天門東南為地戶天門無上地戶無下又云極廣長南北二億三萬三千五百里東西二億三萬三千里又云天左動起於牽牛地右動起於畢廣雅云天圓南北三億三萬三千五百里七十五步從地至天億一萬六千七百億十萬七百里二十五步從地至天億一萬六千七百八十七里半下度地之厚與天高等天度云東方七宿七十五度南方七宿百一十二度西方七宿八十度北方七宿九十八度四分度之一四方三百六十五度四分度之一度二千九百三十二里二十八宿間相距積百七萬九百一十三里徑三十五萬六千九百七十里鄭司農云潁川陽城地為然者潁川郡陽城縣是周公度景之處古跡猶存故云地為然也案春秋左氏武王克商遷九鼎於洛邑欲以為都不在潁川地中者武王

欲取河洛之間形勝之所洛都雖不在地之正中潁川地中仍在畿內若然武王已遷鼎於洛欲以為都周公又度景求地中者武王雖定鼎訖周公更度之者所以審慎故案書傳云四年建侯衛五年營成周建侯衛者在尚書康誥封康叔是也案康誥云惟三月哉生魄周公初基作新大邑于東國洛四方之民大和會注云岐鎬之域處五岳之外周公為其於政不均故東行於洛邑合諸侯謀作天子之居四方民聞之同心來會樂即功作効其力焉是時周公居攝四年也又案召誥惟三月丙午肫越三日戊申大保朝至于洛卜宅厥既得卜則經營之注云是時周公居攝五年若然洛邑在攝政四年初為基址至五年乃正營之也

凡建邦

國以土圭土其地而制其域諸公之地封疆方五百里其食者半諸侯之地封疆方四百里其食者參之一諸

伯之地封疆方三百里其食者參之一諸子之地封疆方二百里其食者四之一諸男之地封疆方百里其食者四之一注土其地猶言度其地鄭司農云土其地但為正四方耳其食者半公所食租稅得其半耳其半皆附庸小國也屬天子參之一者亦然故魯頌曰錫之山川土田附庸奄有龜蒙遂荒大東至于海邦論語曰季氏將伐顓臾孔子曰先王以為東蒙主且在邦域之中是社稷之臣此非七十里所能容然則方五百里四百

里合於魯頌論語之言諸男食者四之一適方五十里
獨此與今五經家說合耳玄謂其食者半參之一四之
一者土均均邦國地貢輕重之等其率之也公之地以
一易侯伯之地以再易子男之地以三易必足其國禮
俗喪紀祭祀之用乃貢其餘若今度支經用餘為司農
穀矣大國貢重正之也小國貢輕字之也凡諸侯為牧
正帥長及有德者乃有附庸為其有祿者當取焉公無
附庸侯附庸九同伯附庸七同子附庸五同男附庸三

同進則取焉退則歸焉魯於周法不得有附庸故言錫之也地方七百里者包附庸以大言之也附庸二十四

言得兼此四等矣音義

疆居良反下同顓之宣反與音榆率音律又音類後注同正音

征字如字一音滋為于偽反

疏

釋曰上經既陳天子之國并畿內千里此經說諸侯邦國故云凡建邦國

以土圭土其地土猶度也以土圭度其地假令封上公五百里國北畔立八尺之表夏至晝漏半得尺五寸景與土圭等南畔得尺四寸五分其中減五分一分三百五分則五百里減四分則四百里封侯減三分則三百里封伯減二分則二百里封子減一分則一百里封男是土其地之法而制其域者自上公五百里已下境界皆有營域封圻云諸公之地封疆方五百里其食者半者言天子封公以五百里之地其一國之稅天子食其

半云諸侯之地封疆方四百里其食者參之一者謂三分之天子食其一分云諸伯之地封疆方三百里其食者三之一者亦與侯同云諸子之地諸男之地皆云四之一者謂總得一國之稅四分之天子食其一分故云其食者四之一其天子所食者皆謂諸侯市取美物以貢天子即大宰九貢是也其公之稅有半侯伯有三之二子男有四之三皆自入充國家畜積禮俗喪紀之用也注釋曰土其地猶言度其地者案上經以土圭之法測土深測猶度也此經云以土圭土其地以土正當測處故云土其地猶言度其地也司農云土其地但為正四方耳者司農意案上經天子度取土中此封諸侯但正四方而已不求土中故云但為正四方謂五百里四百里之等云其食者半公所食租稅得其半耳其半皆附庸小國也屬天子參之一亦然者司農意以經云其食者半與參之一四之一皆自食其餘並入天子故云其食者半公所食租稅得其半耳其半皆附庸小國也

欽定四庫全書

卷十

屬天子參之一亦然也先鄭雖不云四之一司農意亦四分分之三分入天子一分自食司農之義於經文雖似通若然則大國貢輕次國小國貢重非字小之法於義不可故後鄭不從引魯頌曰錫之山川已下至社稷之臣此司農之意上公已下盡有附庸魯雖侯爵受五百里之國明堂位云七百里者五百里外並是附庸即公五百里者亦半為附庸故上注云其半皆附庸是也云此非七十里所能容者司農之意見孟子何休之徒言周之制無五百里四百里國魯國唯有七十里而已故破諸家據魯頌論語非七十里之所能容也云然則方五百里四百里合於魯頌論語之言者司農據此經公五百里侯四百里與魯頌論語合亦是破諸家之意云諸男食者四之一適方五十里者司農意男國百里開方得五十里者四經云其食者四之一謂三分入天子一分自食所食者唯有五十里云獨此與今五經家說合耳者五經家謂若張苞何休孟子等皆以為周法

公侯方百里伯七十里子男五十里子男五十里故男食五十里是與五經家說合若自子已上以百里七十里國於此經二百里已上四之一三之一不合故直舉男地而言玄謂其食者半參之一四之一者土均均邦國地貢輕重之等者紫下土均云均地貢均即此所均征稅邦國地貢輕重是也云其率之也公之地以一易侯伯之地以再易子男之地以三易者其民受地有一易再易故此諸侯之地據貢入天子似耕之者入諸侯者似易而不耕者故以公之地貢半似二百畝佃半也侯伯之地三之一貢入天子似家三百畝佃百畝留二分似荒廢者也子男之地以四之一貢與天子似家得四百畝佃百畝留三分似三百畝不耕者也但民家無三易之地直以況義耳云必足其國禮俗喪紀祭祀之用乃貢其餘者後鄭意釋公國貢半已下漸少之意言公受地廣稅物多但留半自用即足其國俗喪紀及畜積之用故以半為餘貢入天子其侯伯受地差少則其

稅亦少故三分之二留自用乃足其國以一分為餘貢
入天子其子男受地又少其稅轉少故四分之三乃足
其國亦以一分為餘貢入天子注雖不言畜積但言足
其國明畜積在中乃得云足故王制云國無九年之畜
曰不足是也云若今度支經用餘為司農穀者入天子故據漢
經用似國家喪紀所用餘為司農穀者入天子故據漢
法以況之云大國貢重正之也小國貢輕字之也者謂
若四之一是也字愛也謂愛小國之法若然三之一者
是不輕不重後鄭言此者破先鄭其食者四之一三分
貢與天子三之一者二分貢與天子非字小之法又見
采地之稅四之一一分貢與天子故不從先鄭之義云
凡諸侯為牧正帥長及有德者乃有附庸者案王制云
五國以為屬屬有長十國為州州有伯伯即牧也此牧正
卒卒有正二百一十國為州州有伯伯即牧也此牧正
帥長皆是有功諸侯乃得為之有功即有附庸又諸侯
有德雖不為牧正帥長亦得有附庸故鄭總云諸侯牧

正帥長及有德者乃有附庸焉云為其有祿者當取焉者謂取閒田為附庸以為祿也云公無附庸者以其天子畿方千里上公五百里地極大故無附庸也云侯附庸九同者以其侯有功進受公地但公五百里開方之方百里者五五二十五侯四百里開方之四四十六加九同則為二十五同與公等故知侯附庸九同云伯附庸七同者伯地三百里三三而九加七同則為十六同與侯等故知伯附庸七同也云子附庸五同男附庸三同者以其子有功進受伯地加五同與伯等男有功受子地男本一同加三同與子等開方之皆可知云進則取焉退則歸焉者進則取焉謂附庸者退則歸焉者謂為閒田者也故王制一州之內二百一十國其餘以為附庸閒田併言之矣云魯於周法不得有附庸故言錫之也者魯雖為侯爵以其王子女弟雖為侯伯畫服如上公受五百里之地與上公等成王以周公制典法之勲賜魯以侯伯子男四等附庸故明堂位云地方七百里

里鄭云方七百里者包附庸以大言之也又云附庸二十四言得兼此四等矣者魯本五百里四面各加百里四五二十即二十同四角又各百里為四同故云附庸二十四言周公有德兼侯九同伯七同子五同男三同故云兼此四等矣凡言同者皆百里地百里則為國周法不滿百里乃為附庸今皆名附庸為同者但附庸實不滿百里積集附庸成同并數之矣假令男附庸三同附庸國則多矣據成同而言三耳自餘五同七同已上其義可知也

凡造都鄙制其地域而封溝之以其室數制之不易之地家百畝一易之地家二百畝再易之地家三百畝注都鄙王子弟公卿大夫采地其界曰都鄙所居也王制曰天子之縣內方百里之國九七十里之國二

十有一五十里之國六十有三此蓋夏時采地之數周
未聞矣春秋傳曰遷鄭焉而鄙留城郭之宅曰室詩云
嗟我婦子曰為改歲入此室處以其室數制之謂制丘
甸之屬王制曰凡居民量地以制邑度地以居民地邑
民居必參相得鄭司農云不易之地歲種之地美故家
百畝一易之地休一歲乃復種地薄故家二百畝再易
之地休二歲乃復種故家三百畝音義畝本亦作古畝字甸劉常證反
復扶又疏釋曰上言王畿及諸侯邦國至此更言畿內
反下同都鄙三等采地云凡造都鄙制其地域者案

戴師職家邑任稍地小都任縣地大都任置地又下文
小司徒職云四丘為甸四甸為縣四縣為都家邑二十
五里小都五十里大都百里是造都鄙制其地域也云
而封溝之者謂三等采地四境界上皆有溝封而樹之
以為阻固云以其室數制之者其室在都邑之內而云
制之者依其城內室數於四野之中制地與之謂若九
夫為井四井為邑四邑為丘四丘為甸四甸為縣四縣
為都之等是也云不易之地家百畝者此謂上地年年
佃之故家百畝云一易之地家二百畝者謂年別佃百
畝廢百畝云再易之地家三百畝者以其地薄年佃百
畝廢二百畝三年再易乃徧故云再易也注釋曰言都
鄙王子弟公卿大夫采地者公在大都卿在小都大夫
在家邑其親王子母弟與公同在大都次疏者與卿同
在小都次更疏者與大夫同在家邑故總云都鄙王子
弟公卿大夫采地也云其界曰都鄙所居也者三等采
地皆有城郭是其鄙所居也據其四境即是其界曰都

又引王制曰天子之縣內方百里之國九云云又云此蓋夏時采地之數者案殷周皆稱畿內王制云縣內疑是夏時故云此蓋夏時采地之數也云周未聞矣者案洛誥傳云天下諸侯入來進受命於周退見文武之尸者千七百七十三諸侯注云八州立二百一十國畿內九十三國云畿內九十三國即此都鄙之數有文矣而云未聞者以無正文故疑焉或未可聞其大國次國小國各有幾國故云未聞其實總數則聞之矣云春秋傳曰遷鄭焉而鄙留者案桓十一年夏五月鄭伯寤生卒秋七月葬鄭莊公九月宋人執鄭祭仲公羊云祭仲者何鄭相也何以不名賢乎祭仲以為知權也其為知權奈何古者鄭國處於留先鄭伯有善於鄆公者通乎夫人以取其國而遷鄭焉而野留莊公死已葬祭仲將往省于留塗出於宋宋人執之謂之曰為我出忽而立突祭仲不從其言則君必死國必亡從其言則君可以生易死國可以存易亡是以謂之權也野鄙不同者何

鄭所見傳異也案玄發墨守云鄭始封君曰桓公者周宣王之母弟國在宗周畿內今京兆鄭縣是也桓公生武公武公生莊公遷易東周畿內國在虢鄆之間今河南新鄭是也武公生莊公因其國焉留乃在陳宋之東鄭受封至此適三世安得古者鄭國處於留祭仲將往省留之事乎是鄭君不從公羊引之者直取鄙所居為義也其鄭居留之事猶自不取也所謂文取而義不取也云城郭之宅曰室又引詩者是七月詩取證室在城內以其室數制城外井邑又云制之謂制丘甸之屬者案下小司徒云四井為邑以至丘甸縣都是也又引王制者欲見邑在城外居在城乃分地職奠地守制地貢內外內多少必參相得之事

而頒職事焉以為地灋而待政令注分地職分其九職所宜也定地守謂衡麓虞候之屬制地貢謂九職所稅

也頒職事者分命使各為其所職之事音義

莫劉疏注音定

曰分地職分其九職所宜也者上經既授上中下地此經云分地職故知分地職者是分九職所宜九職則大宰云一曰三農生九穀是也所宜謂若孝經注高田宜黍稷下田宜稻麥之類是也云定地守謂衡麓虞候之屬者案昭二十年左氏傳晏子云山林之木衡鹿守之澤之萑蒲舟鮫守之藪之薪蒸虞候守之海之鹽蜃祈望守之注云衡鹿舟鮫虞候祈望皆官名也守之令民不得取之不共利時景公設此守以致疾故晏子所非非其不與民同鄭引之者以證地守之官若然此地官唯有衡虞無舟鮫祈望者此周禮舉其大綱左氏言其細別故詳略不同云制地貢謂九職所稅也者此地貢文承地職之下明非諸侯九貢是其九職任之九稅斂之若三農生九穀則稅九穀園圃毓草木則稅草木之類是也云頒職事者分命使各為其所職之事者分命

之言案尚書堯典分命羲仲宅嵎夷申命羲叔宅南交分命和仲宅西曰昧谷申命和叔宅朔方此間頒職事亦是分命使各為其所職以荒政十有二聚萬民一曰之事典田之官各有所掌

散利二曰薄征三曰緩刑四曰弛力五曰舍禁六曰去幾七曰胥禮八曰殺哀九曰蕃樂十曰多昏十有一曰索鬼神十有二曰除盜賊注荒凶年也鄭司農云救飢之政十有二品散利貸種食也薄征輕租稅也弛力息繇役也去幾關市不幾也胥禮掌客職所謂凶荒殺禮者也多昏不備禮而娶昏者多也索鬼神求廢祀而脩

之雲漢之詩所謂靡神不舉靡愛斯牲者也除盜賊急其刑以除之饑饉則盜賊多不可不除也杜子春讀蕃樂為藩樂謂閑藏樂器而不作玄謂去幾去其稅耳舍禁若公無禁利青禮謂殺吉禮也殺哀謂省凶禮音義弛式氏反舍音捨注同去羗呂反注及下注去蹄同音所景反注同殺所界反徐所例反注同蕃方袁反注同徐文注皆音疏釋曰言以荒政十有二者上經見分地煩種章勇反疏職則有年穀不熟之時恐民離散故以救荒之政十有二條以聚萬民使不離散一曰散利者謂豐時聚之荒時散之積而能散使民利益故云一曰散利二曰薄征者薄輕也征稅也謂輕其稅三曰緩刑者謂凶年犯刑緩縱之四曰弛力者弛放其力役之事

五曰舍禁者山澤所遮禁者舍去其禁使民取蔬食六曰去幾者幾謂呵禁謂關市去稅而幾之七曰青禮者謂吉禮之中青其禮數八曰殺哀者謂凶禮之中殺其禮數九曰蕃樂者蕃謂閉藏樂器而不作十曰多昏者謂凶荒殺禮昏者多十有一曰索鬼神者謂凶年禱祈搜索鬼神而禱祈之十有二曰除盜賊者凶年盜賊多急其刑以除之注釋曰下曲禮云歲凶年穀不登即此荒一也故云荒凶年也鄭司農云救飢之政十有二品者年穀不熟而民飢故設政教以救之故云救飢之政十有二品十二品即十二條各有品列而不同云散利貸種食也者謂豐時斂之凶時散之其民無者從公貸之或為種子或為食用至秋熟還公據公家為散據民往取為貸故云散利貸種食云薄征輕租稅也者案司稼云巡野觀稼出斂法注云豐年從正凶荒則損若今十傷二三實除減半是輕租稅也云弛力息繇役也者案均人云豐年則公均用三日中年則公均用二日無

年則公均用一日此云弛力謂人食不能二鬴之歲則
移民就穀無力役之事故均人又云凶札則無力政財
賦是也云去幾關市不幾者此後鄭不從以其雖凶年
猶幾呵但去稅而已云青禮掌客職所謂凶荒殺禮者
也此後鄭不從者掌客所云凶荒殺禮其總目語無所
指斥後鄭以為青吉禮云多昏不備禮而娶昏者多也
者昏禮有六并有玄纁束帛凶荒為昏不可備行此禮
使有女之家得減口數有男之家易得其妻故娶昏者
多也云索鬼神謂搜索鬼神而脩之者年有凶災鬼神不佑
經云索鬼神謂搜索鬼神而祭之明是求廢祀而脩之
求廢祀而脩之即雲漢之詩靡神不舉是也連引靡愛
斯牲者見索鬼神是祈禱之事須牲體以薦之案左氏
莊二十五年傳云天災有幣無牲此詩云靡愛斯牲者
若天災之時祈禱無牲災滅之後即有牲體故云靡愛
斯牲云除盜賊急其刑以除之饑饉則盜賊多不可不
除也者上文既言緩刑其除盜賊用急刑乃上下文為

妨故鄭云饑饉則盜賊多不可不除故須急其刑以除之云杜子春讀蕃樂為藩樂謂閉藏樂器而不作者經云蕃者是蕃育之字故讀從藩是藩閉之字案大司樂云大凶大裁令弛縣注云弛釋下之若令休兵鼓之為彼又云日月食四鎮五嶽崩諸侯薨令去樂注云去樂藏之引春秋傳曰壬午猶繹萬入去籥萬言入則去者不入藏之可知彼之二文云令弛縣據路寢常縣之樂釋下之去樂據廟中祭時暫縣之樂去而藏之此云藩樂謂閉藏樂器據廟中祭祀藏去樂器而不作若然祭祀不作明路寢常縣亦釋下之互見其義玄謂去幾去其稅耳者破先鄭之義全不幾後鄭必知直去其稅猶幾之者案司關云國凶札則無門關之征猶幾明知司農之義非云舍禁若公無禁利者案左傳襄公九年冬公會晉侯伐鄭同盟于戲晉侯歸謀所以息民魏絳請施舍輸積聚以貸自公以下苟有積者盡出之國無滯積亦無困人公無禁利杜注云與民共是也云青禮謂

殺吉禮也云殺哀謂省凶禮者此破司農之義司農引掌客職凶荒殺禮證青禮後鄭之意凶荒殺禮是總目之言不專於吉禮鄭知青禮專是吉禮者以其下有殺哀與青禮相對故知青禮專是吉禮也案襄公二十四年冬大饑穀梁傳云五穀不升為大饑一穀不升謂之嗛二穀不升謂之饑三穀不升謂之饑四穀不升謂之康五穀不升謂之大侵大侵即大饑一也又案廩人云人食四鬴上也三鬴中也二鬴下也若食不能人二鬴則令移民就穀不能人二鬴之歲即是大饑年也此云荒政者亦據大凶年為義案均人云凶札無力政財賦此既據大饑猶云薄征者此經雖主大饑兼記一穀二穀不熟之歲故有輕稅也此鄭云荒凶年則荒與凶一也案大司樂大札大荒大凶荒凶則異其實荒凶是一故宗伯云以荒禮哀凶札是凶荒不異司樂凶荒別文者以凶為凶年以荒為荒亂以保息六養萬民一曰慈兼見斯義故凶荒別文也

幼二曰養老三曰振窮四曰恤貧五曰寬疾六曰安富
注保息謂安之使蕃息也慈幼謂愛幼少也產子三人
與之母二人與之餼十四以下不從征養老七十養於
鄉五十異振之屬振窮拊捄天民之窮者也窮者有四
曰矜曰寡曰孤曰獨恤貧貧無財業稟貸之寬疾若今
癯不可事不算卒可事者半之也安富平其繇役不專

取音義

少詩照反拊音拯捄音救本亦作疏釋曰上經
拯救矜古頑反癯音隆卒子忽反既陳凶荒

不安之事故此經陳安養萬民之道云以保息六養萬
民者民不安即不得蕃息安則蕃息保安也使民安息

有六條以養萬民故云以保息六養萬民也注釋曰云
產子三人與之母二人與之餽皆是越語范蠡欲速報
吳為此權禮使國民衆多故令國人壯者無取老婦老
者無取壯妻女子十七不嫁父母有罪丈夫二十不娶
亦罪其父母生丈夫三壺酒一犬生女子一壺酒一豚
生三人公與之母生二人與之餽引之者見其愛幼少
之法不必盡如其禮云十四以下皆不從征若案鄉大夫
職國中七尺野自六尺以下皆不從征案論語云可以
託六尺之孤注云六尺謂年十五則十五從征十四以
下不從征可知亦是愛幼之事也云養老七十養於鄉
者案王制云五十養於鄉六十養於國七十養於學彼
謂大夫士也王制又云凡三王養老皆引年注云己而
引戶校年當行復除也老人衆多非賢者不可皆養故
食貨志云七十已上上所養也此云七十養於鄉亦謂
有賢行者也云五十異粢之屬者是王制文禮記常法
庶人食稷士兼食黍大夫又加以粱今雖庶人至五十

或與士大夫同食黍梁故云異糧云振窮拊捄天民之窮者也窮者有四曰矜曰寡曰孤曰獨者案王制云老而無妻者謂之矜老而無夫者謂之寡少而無父者謂之孤老而無子者謂之獨鄭依此而言此四者天民之窮而無告者也皆有常餽故曰振窮云恤貧貧無財業稟貸之者案旅師云凡用粟春頒而秋斂之注云困時施之饒時收之是其恤貧之法故云無財業稟貸之云寬疾若今癰不可事不算卒者漢時癰病不可給事不算計以為士卒若今廢疾者也云可事者半之也者謂不為重役輕處使之取其半功而已似今殘疾者也是其寬饒疾病之法云安富平其繇役不專取者言繇役均平又不專取則富者安故云安富也

以本俗

六安萬民一曰媿宮室二曰族墳墓三曰聯兄弟四曰聯師儒五曰聯朋友六曰同衣服注本猶舊也美善也

謂約椽攻堅風雨攸除各有攸宇族猶類也同宗者生相近死相迫聯猶合也兄弟昏姻嫁娶也師儒鄉里教以道藝者同師曰朋同志曰友同猶齊也民雖有富者

衣服不得獨異音義

嫩音美聯兄弟一本疏釋曰上經作聚兄弟椽陟角反陳養萬民

之法此經說安民庶之道以本俗六安民者本舊也不依舊俗創立制度民心不安若依舊俗民心乃安故以本俗六條以安民也注釋曰云謂約椽攻堅風雨攸除各有攸宇者此斯干美宣王之詩也案彼詩云約之閣閣約謂搆土椽之橐橐椽謂築之橐橐用力是其約椽攻堅攸所也能使風雨所除宇居也君子小人各有所居引之者證美宮室也經云嫩宮室明不使華美故以攻堅解之云族猶類也同宗者生相近死相迫者案左

氏傳云非我族類其心必異族類是一故云族猶類也
經云族墳墓是死相迫明生時居住相近可知故鄭云
同宗者生相近死相迫也云聯猶合也兄弟昏姻嫁娶
也者案爾雅釋親云父之黨為宗族母與妻黨為兄弟
則兄弟之名施於外親為正又案喪服記兄弟皆在外
邦及與兄弟居彼皆據同宗小功已下知此兄弟是昏
姻非是同宗者見上云族墳墓是同宗明此兄弟施於
外姓昏姻故爾雅又云婦之黨為昏兄弟夫婦相名亦
為兄弟故曾子問曰不得嗣為兄弟是以知兄弟是昏
姻也云師儒鄉里教以道藝者以其鄉立庠州黨及遂
皆立序致仕賢者使教鄉閭子弟鄉閭子弟皆相連合
同就師儒故云聯師儒也又案保氏職掌養國子以道
故云教以道藝也云同師曰朋同志曰友者案學而篇
云有朋自遠方來是朋者在學之稱此友與朋連文則
亦是在學之稱且此朋友之文復在師儒之下但朋疏
而多友親而少故云同師曰朋同志曰友此朋友據在

學案尚書泰誓武王云我友邦冢君是謂諸侯為友洛誥云孺子其朋謂羣臣為朋朋友之文所施廣矣鄭君皆望文為義是以所注不同也云同猶齊也民雖有富者衣服不得獨異者士已上衣服皆有采章庶人皆同深衣而已故云民雖有富者正月之吉始和布教于邦衣服不得獨異竝皆齊等也

國都鄙乃縣教象之灋于象魏使萬民觀教象挾日而斂之乃施教灋于邦國都鄙使之各以教其所治民注

正月之吉周正月朔日也司徒以布五教至正歲又書

教法而縣焉音義

縣音玄注同挾子協反

疏

釋曰正月之吉者謂建子之月一日也始

和者從十二教已下於此月之時始調和也政教皆有故法依舊而行之言始和者若改造云爾其實不改造

也始以對終對下縣之是在建寅之月為終也云布教於邦國都鄙者於此正月之時調和教典訖即布於邦國諸侯及畿內都鄙公卿大夫等云乃縣教象之法於象魏者言乃者緩辭是建寅之月乃縣教象之法於象魏闕上云使萬民觀教象者謂使萬民來就雉門象魏之處觀教象文書使知一年教法云挾日而斂之者縣之從甲至甲為挾日而後斂藏之於明堂月月乃更受而行之謂之聽朔者也云乃施教法于邦國都鄙者案太宰六典八法八則之等正月前陳之正月之下不復言施之者以其竝是當職之事故不復言所施此直言施教法於邦國都鄙則亦舍上數事可知云使之各以教其所治民者若據邦國使諸侯教所治民若據都鄙則使公卿大夫教所治民注釋曰言正月朔日者周禮凡言正歲者則夏之建寅正月直言正月者則周之建子正月也吉者月朔也故云正月之吉周正月朔日也司徒以布五教者案太宰注云布王治之事於天下此

不言天下注文略邦國都鄙則亦天下也云至正歲又書教法而縣焉者釋經乃縣是正歲縣之必知縣在正歲者亦取義於小司徒云正歲則帥其屬而觀教法之象故知縣在正歲也

令五家為比使

之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓注此所以勸民者也使之者皆謂立其長而教令使之保猶任也救救凶災也賓賓客其賢者故書受為授杜子春云當為受謂民移徙所到則受之所去則出之又云賙當為糾謂糾其惡玄謂受者宅舍有故相受寄

託也。賙者謂禮物不備相給足也。閭二十五家族百家。

黨五百家。州二千五百家。鄉萬二千五百家。音義

比毗志反

下同。賙音周。疏釋曰：此經說大司徒設比閭至於州鄉足。劉子喻反。等第家數各立其官長教勸於民。大司

徒主六鄉。故令六鄉之內使五家為一比。則有下士為比長。主之使五家相保不為罪過。五比為閭者二十五

家為一閭。立中士為閭胥。使之相受者閭胥使二十五家有宅舍破損者受寄託。四閭為族。使之相葬者百家

立一上士為族師。使百家之內有葬者使之相助。蓋故云使之相葬。五族為黨。使之相救者五百家立一下大

夫為黨正。民有凶禍者使民相救助。故云使之相救。五黨為州。使之相賙者二千五百家為州立一中大夫為

州長。民有禮物不備使賙給之。五州為鄉。使之相賓者萬二千五百家為鄉立一六命卿為鄉大夫。鄉內之民

有賢行者則行鄉飲酒之禮賓客之貢舉也故云使之相賓注釋曰云此所以勸民者也者此經相保相受相救相賙相賓等皆是民間之事故云所以勸民也云使之者皆謂立其長而教令使之者民不獨治必須君長故云皆謂立其長而教令使之立長謂若比長閭胥至鄉大夫等杜子春云當為受謂民移徙所到則受之所去則出之者案比長職云五家相受相和親與此文同皆謂一閭之內無出入之法比長職又云徙於國及郊則從而授之注云徙謂不便其居也或國中之民出徙郊或郊民入徙國中彼是出鄉閭外與此閭內有相容受不同故後鄭易之以為宅舍有故相受寄託解之子春又云賙當為糾謂糾其惡後鄭不從者此一經相保相受之等皆是相勸為善無相糾惡之事故後鄭存賙字謂禮物不備相給足解之云閭二十五家云云知之者案此經五家為比五州為

頒職事十有二于邦國都鄉轉相增故其家數可知

鄙使以登萬民一曰稼穡二曰樹藝三曰作材四曰阜
蕃五曰飭材六曰通財七曰化材八曰斂材九曰生材
十曰學藝十有一曰世事十有二曰服事注鄭司農云
稼穡謂三農生九穀也樹藝謂園圃毓草木作材謂虞
衡作山澤之材阜蕃謂數牧養蕃鳥獸飭材謂百工飭
化八材通財謂商賈阜通貨賄化材謂嬪婦化治絲枲
斂材謂臣妾聚斂疏材生材謂閒民無常職轉移執事
學藝謂學道藝世事謂以世事教能則民不失職服事

謂為公家服事者玄謂生材養竹木者音義

飭音勅注同賈音古

問音

疏

釋曰大司徒主天下人民之數故頒下民之職事十有二條於天下邦國及畿內都鄙使以登

成萬民此經不言鄉遂及公邑者舉外以包內司徒親主鄉遂公邑頒之可知云一曰稼穡已下至八曰斂材已上即太宰九職中八者是也太宰既掌之此又重掌者以太宰尊官總知其事此司徒是主民之官親自頒行義各有異也云一曰稼穡者種之曰稼斂之曰穡二曰樹藝者樹謂植木謂若樹之榛栗藝謂種黍稷謂若藝麻如之何我藝黍稷之類是也案太宰有九職此八曰斂材已上與太宰同太宰有九此唯八者太宰言任萬民隨意所云故有九九曰閒民無常職轉移執事此司徒云頒職事不可頒之使民轉移執事故闕之唯有八也九曰生材已下加此四事者以其司徒主民此四事者是民之事業及學問故別增之也注釋曰鄭司農

云稼穡謂三農生九穀也者自此已下至聚斂疏材皆與太宰同但文有詳畧其言異耳九穀須稼穡故變言稼穡耳樹藝與園圃毓草木者同草木須樹藝故亦變言樹藝耳云作材謂虞衡作山澤之材者此文有詳畧耳云阜蕃謂數牧養蕃鳥獸者但養蕃不言阜此言阜字者欲見非直蕃息又使阜盛云飭材謂百工飭化八材者此亦文有詳畧耳云通財謂商賈阜通貨賄者貨賄即財也亦文有詳畧耳云斂材謂臣妾聚斂疏材者此亦文有詳畧耳此八者之義已具釋於太宰故此亦不復重言云生材謂閒民無常職轉移執事者司農之意此閒民在第九當太宰九日閒民無常職故以閒民解生材也但周公制禮太宰任民無常職於此頌職事不可頌無常職使民行之故後鄭易之以爲養竹木解之云學藝謂學道藝者案保氏職云掌養國子以道乃教之六藝故以藝中兼有道也云世事謂以世事教能則民不失職者案管子書云工之子恒爲工士之子恒

爲士商之子恒爲商農之子恒爲農是以世事教民能則民不失職也云服事謂爲公家服事者謂若府史胥徒庶人在官者是公家服事者也玄謂生材養竹木者此後鄭破司農之義案太宰事典云以生萬民小宰事職云以養萬民則知生爲養山虞林衡別官則知此生材養竹木在於平地林衡所掌是也

以鄉三

物教萬民而賓興之一曰六德知仁聖義忠和二曰六行孝友睦婣任恤三曰六藝禮樂射御書數注物猶事

也興猶舉也民三事教成鄉大夫舉其賢者能者以飲酒之禮賓客之既則獻其書於王矣知明於事仁愛人以及物聖通而先識義能斷時宜忠言以中心和不剛

不柔善於父母為孝善於兄弟為友睦親於九族姻親
於外親任信於友道恤振憂貧者禮五禮之義樂六樂
之歌舞射五射之法御五御之節書六書之品數九數

之計音義

知音智行下
孟反嫻音因

疏

釋曰物事也司徒主六鄉故
以鄉中三事教鄉內之萬民

也興舉也三物教成行鄉飲酒之禮尊之以爲賓客而
舉之三物者則下一曰二曰三曰是也注釋曰云民三
事教成鄉大夫舉其賢者能者以飲酒之禮賓客之既
則獻其書於王矣者此竝鄉大夫職文云知明於事者
謂於前事不惑若四十而不惑也云仁愛人以及物者
仁者內善於心外及於物謂若行葦詩美成王云敦彼
行葦牛羊勿踐履是愛人及於葦葦即物也云聖通而
先識者案襄二十二年臧武仲如晉雨過御叔御叔在

邑將飲酒曰焉用聖人何休云說左氏傳者曰春秋之志非聖人孰能脩之言夫子聖人乃能脩之御叔謂臧武仲爲聖人是非獨孔子玄箴之曰武仲者述聖人之道魯人稱之曰聖今使如晉過御叔御叔不說學見武仲而雨行傲之云焉用聖人爲左氏傳載之者非御叔不說學不謂武仲聖與孔子同若然此云聖亦與武仲同皆是述聖人之道云義能斷時宜者義宜也謂斷割合當時之宜也云忠言以中心者此以字解之如心曰恕如下從心中心曰忠中下從心謂言出於心皆有忠實也云和不剛不柔者謂寬猛相濟者也云善於父母爲孝善於兄弟爲友彼不言於此鄭云善於父母善於兄弟言於者凡言孝友非直甘着先奉昏定晨省而已謂若禮記祭義云孝者先意承志諭父母於道國人稱之曰幸哉有子若是如此美行乃所爲父母兄弟之善故鄭云善於父母爲孝善於兄弟爲友也云睦親於九族者

堯典云九族既睦是睦親於九族也九族者上至高祖下至玄孫旁及總麻之內也云姻親於外親知姻是親於外親者上云睦施於九族明此姻是親於外親也左傳云士踰月外姻至亦據外親之等外親者則妻族母族是也此姻對睦施於外親若不對睦亦施於內親故論語云因不失其親喪服傳云與因母同此皆施於內親也云任信於友道者謂朋友有道德則任信之故論語云信則人任焉是也云恤振憂貧者者恤訓爲憂振訓爲救故知恤振憂貧者也云禮五禮之義自此已下至九數皆取義於保氏案保氏職掌養國子以道教之六藝一曰五禮二曰六樂三曰五射四曰五御五曰六書六曰九數案彼注云五禮者玄謂吉凶賓軍嘉六樂者玄謂雲門大咸大韶大夏大濩大武五射者先鄭云白矢參連剡注襄尺井儀五御者先鄭云鳴和鸞逐水曲過軍表舞交衢逐禽左六書者先鄭云象形會意轉注處事假借諧聲九數者先鄭云方田粟米差分少廣

商功均輸方程贏不足旁要此九章之術是也彼注又云今有重差夕桀句股此經直陳六藝保氏各有其數故注保氏具釋之注此直取保氏經以釋之五禮言義者以其吉凶之等各有其義樂言歌舞者以其作樂時有升歌下舞射言法者以其有升降揖讓之法御言節者四馬六轡有進退之節書言品者形聲處事差品不算數言計者有多少以鄉八刑糾萬民一曰不孝之刑

二曰不睦之刑三曰不嫺之刑四曰不弟之刑五曰不任之刑六曰不恤之刑七曰造言之刑八曰亂民之刑注糾猶督察也不弟不敬師長造言詛言惑衆亂民亂名改作執左道以亂政也鄭司農云任謂朋友相任恤

謂相憂音義

弟音悌注同

疏

釋曰上設三物教萬民有不從教者則設刑以刑之故言以

鄉八刑糾萬民也云一日不孝之刑者有不孝於父母者則刑之孝經不孝不在三千者深塞逆源此乃禮之通教二曰不睦之刑者不相親睦亦刑之三曰不婣之刑者不親兼戒凡品故不孝有刑也於外親亦刑之四曰不弟之刑者謂不敬師長亦刑之五曰不任之刑者謂不信任於朋友亦刑之六曰不恤之刑者謂見災危而不憂恤亦刑之七曰造言之刑者有造浮僞之言者亦刑之八曰亂民之刑者謂執左道亂政則刑之注釋曰云糾猶割察也者謂察取鄉中八種之過斷割其罪云不弟不敬師長者此不弟即上六行友是也上文在睦姻之上此變言弟兼施於師長故退在睦姻之下言友專施於兄弟此變言弟兼施於師長故退在睦姻之下云造言詭言惑衆者案王制行僞而堅言僞而辯與此造言一也是詭言惑衆也云亂民亂名改作執左道以亂政也

者亂名已下皆王制文案彼注亂名改作謂變易官與物之名更造法度左道若巫蠱及俗禁竝是亂政之民也上三物有六德六行六藝六德六藝不設刑獨於六行設刑者鄭注師氏云在身爲德施之爲行德爲在身不施於物六藝亦是在身之能不施於人故二者不設刑其行竝是施之於人故禁其恐有愆負故設刑以防之也造言亂民民中特害以五禮防萬民之僞而教之故六行之外別加此二刑

中注禮所以節正民之侈僞使其行得中鄭司農云五

禮謂吉凶賓軍嘉疏

釋曰以五禮防萬民之僞而教之中者案禮記樂記云禮者著誠去

僞故以禮防萬民之僞而教之使得中正也注釋曰禮者辨尊卑別貴賤皆有上下之宜不得奢侈僭僞故云禮所以節正民之侈僞也使其行得中者上不逼下下不僭上得其中正是也鄭司農云五禮謂吉凶賓軍嘉

者春官失以六樂防萬民之情而教之和注樂所以蕩宗伯文也

正民之情思使其心應和也鄭司農云六樂謂雲門咸

池大招大夏大濩大武音義

思悉吏反應應對之應招上朝反本亦作韶濩音護

本亦疏

釋曰案樂記云大樂與天地同和孝經云移風易俗莫善於樂故大司徒以六樂防萬民之情

而教之使應和也注釋曰案樂記云在閨門之內父子兄弟同聽之莫不和親故云樂所以蕩正民之情思使其心應和也鄭司農云六樂雲門已下皆大司樂文至彼具釋案前云六藝禮樂射御書數不覆申射御書數而獨申禮樂二事者化民以禮樂爲急故樂記云心中斯須不和不樂而鄙詐之心入之矣外貌斯須不莊不敬而易慢之心入之矣故樂也者動於內者也禮也者動於外者也是致禮樂以治外內之急也又孝經云安

上治民莫善於禮移風易俗莫善於樂
是禮樂爲化民之急也故特言禮樂耳
凡萬民之不服

教而有獄訟者與有地治者聽而斷之其附于刑者歸

于士注不服教不厭服於十二教貪冒者也爭罪曰獄

爭財曰訟有地治者謂鄉州及治都鄙者也附麗也士

司寇士師之屬鄭司農云與有地治者聽而斷之與其

地部界所屬吏共聽斷之士謂主斷刑之官春秋傳曰

士榮爲大士或謂歸於圜土圜土謂獄也獄城圜音義

治直吏反注及下正治并注同斷
丁亂反注同厭於陟反或於驗反
疏釋曰上以禮樂化民而萬民不厭服

十二教則鬭爭起有獄訟者將斷割之時恐其獄訟不審故與其有地治者謂治民之官共聽而斷之若有小罪則司徒決之其附於五刑則歸於士使秋官士師之等斷之注釋曰云不服教不厭服於十二教貪冒者也者上以十二教教民使不貪冒其民有不厭服於十二教即是貪冒之人也厭有二種有嫌厭有厭飫之厭謂若祭禮有陰厭之類是也此言不厭服十二教者謂不厭飫服行十二教也又云爭罪曰獄爭財曰訟者案秋官大司寇云以兩造禁民訟以兩劑禁民獄獄訟相對故獄爲爭罪訟爲爭財若獄訟不相對則爭財亦爲獄其義具在秋官釋之云有地治者謂鄉州及治都鄙者也者司徒主六鄉明知有鄉州也案上經布教於都鄙明地治之內兼有都鄙可知云附麗也者案秋官云麗於法案尚書呂刑越茲麗刑故以附爲麗云士司寇士師之屬者案秋官有士師鄉士遂士縣士茲王獄訟之事故云士師之屬也司農云春秋傳曰者僖公二十八

年衛侯出奔及其反國誤射殺弟叔武元咺訴於晉衛侯與元咺訟晉使士榮爲大士而聽斷之引此者欲見有獄必有訟有訟者不必有獄故彼是爭罪之事而言衛侯與元咺訟云或謂歸於國土國土謂獄也者司農之意此經士或爲土字固即解土爲國土國土即獄也云獄城圉者更解圉土之意國土之義具在秋官司圉也

職也

祀五帝奉牛牲羞其肆注牛能任載地類也奉猶進

也鄭司農云羞進也肆陳骨體也玄謂進所肆解骨體

士喪禮曰肆解去蹄音義

肆託歷反注肆解肆去同司農音四注肆陳同疏釋

云祀五帝者謂四時迎氣於四郊及總享五帝於明堂既大司徒奉牛牲又云羞其肆者羞進也肆解也謂於俎上進所解牲體於神座前注釋曰鄭解司徒奉牛之意故云牛能任載地類也故屬地官司司徒鄭司農云羞

進也肆陳骨體也者骨體肩臂脊脅之屬司農以肆爲
四音讀之故云肆陳也謂陳牲體於俎上即體解折節
爲二十一體是也故云陳骨體也玄謂進所肆解骨體
者後鄭之意以肆爲槌音讀之肆解骨體者爲七體解
之故引士喪禮曰肆解去蹄案士喪禮曰特豚四鬣去
蹄彼注云四解之殊肩髀彼言殊肩髀與此骨體一也
但彼云四鬣此云肆解其字不同者鄭直以義讀之非
彼正文此云解當彼鬣也後鄭必不從先鄭爲肆陳骨
體爲二十一體者案禮運云脰其俎孰其殺彼注云脰
其俎謂豚解而脰之也孰其殺謂體解而爇之祭祀之
法先豚解後體解經云奉牛牲謂初牽入時即言羞其
肆明先豚解又案國語禘郊之事則有全烝明知不得
先有體解若然則禘郊之事先全烝始後豚解也若宗
廟之祭則無全烝先豚解次體解禮運所云者是也

享先王亦如之疏

釋曰享先王不辯祭之大小彼大宗
伯四時及禘祫六者皆稱享云亦如

之者亦如上祀五帝奉牛牲羞其肆
又不言祭地者祭地之禮與天同

大賓客令野脩道

委積注令令遣人使為之也少曰委多曰積皆所以給

賓客疏

釋曰案大行人諸侯朝稱賓卿大夫來聘稱客彼對文例散文賓客通此云大賓客者唯據諸

侯來朝大司徒令積人於野路之上脩治道塗及委積芻薪米禾之等以待賓客注釋曰云令令遣人使為之也少曰委多曰積者案遣人云十里有廬廬有飲食三十里有宿宿有路室路室有委五十里有侯館侯館有積故知義然也
大喪帥六鄉之衆庶屬其六引而治其政令注

衆庶所致役也鄭司農云六引謂引喪車索也六鄉主

六引六遂主六紼音義

引如字又音紼音弗

疏

釋曰大喪謂王喪至七月而葬

大司徒帥六鄉之衆庶取一千人屬其六引挽柩鄉壙而治其政令者大司徒則檢校挽柩之事注釋曰云衆庶所致役也者但六鄉七萬五千家進取一千人致之使爲挽柩之役故云所致役也司農云六鄉主六引則此經是也云六遂主六鄉者案遂人職云大喪帥六遂之役而致之掌其政令及葬帥而屬六綽在棺曰緋見繩體行道曰引見用大軍旅大田役以旗致萬民而治力主文以見義也

其徒庶之政令注旗畫熊虎者也徵衆刻日樹旗期於

其下疏

釋曰凡征伐田獵所用民徒先起六鄉之衆故云大軍旅大田役以旗致萬民司徒主六鄉因

即治其徒庶之政令注釋曰案司常云熊虎爲旗故鄭云旗畫熊虎者也云徵衆刻日樹旗期於其下者凡起徒役不令而誅謂之虐故徵衆庶預刻集日至若國有日樹旗期民於其下衆皆至弊旗誅後至者也

大故則致萬民於王門令無節者不行於天下注大故

謂王崩及寇兵也節六節有節乃得行防姦私疏

釋曰若國

有大故者大故是非常之事故言若也則致萬民於王門者以待任用故也云令無節者不行於天下者大故之時恐有姦寇節者用爲行道之信故無節者不行於天下所以防姦私也注釋曰言大故知是王崩及寇兵者下經別云大荒大札故知大故中有王崩寇兵二事也云節六節者謂掌節山國用虎節土國用人節澤國用龍節門關用符節貨賄用璽節道路用旌節也

大荒大札則令邦國移民通

財舍禁弛力薄征緩刑注大荒大凶年也大札大疫病也移民辟災就賤其有守不可移者則輸之穀春秋定

五年夏歸粟於蔡是也音義

札側疏釋曰大荒謂大凶反疏年大札謂大疫病

則令邦國者謂令天下諸侯邦國也移民通財者此謂兩事移民謂分口往就賤財是米穀也其有留守不得去者則賤處通穀米與之舍禁者謂山澤之內舊遮禁不聽人入者令皆舍而不禁容民取蔬食也弛力者謂弛力役之事薄征者若據大荒則全無征稅今言薄征者容有小荒仍有征稅案司稼注云豐年從正凶荒則損若今十傷二三實除減半者也緩刑者謂有刑罰寬而放之注釋曰大荒大凶年也者謂若曲禮云歲凶年穀不登言大者穀梁云五穀不熟謂之大侵與此一也大札大疫病也者謂若左氏傳云天昏札瘥云其有守不可移者則輸之穀者釋經通財也又引春秋定五年夏歸粟於蔡是也者案彼傳定四年楚囊瓦伐蔡五年夏歸粟於蔡彼雖非荒札之事直取歸粟一道證經通財之義

歲終則令教官正治而

致事注歲終自周季冬也教官其屬六十正治明處其

文書致事上其計簿

音義上時掌反簿蒲戶反後同

疏

釋曰歲終則令教官者其

屬六十官也云正治而致事者謂正直治理其文書不得濫失以爲公狀然後致其職事以待考注釋曰知歲終是周季冬者以其正月之吉始和是周之歲始明此致事之時亦是周之歲終云致事上其計簿者漢時考吏謂之計吏計吏據其使人也此言計簿據其文書也

正歲令于教官曰各共爾


職脩乃事以聽王命其有不正則國有常刑注正歲夏

正月朔日疏

釋曰正歲令于教官者以其歲始當除舊布新各共爾之職脩汝之事爾乃皆汝也

以聽王命者聽待也其不正則國有常刑者謂文書不正直而濫失則有常刑常刑者謂二千五百條各依輕

重而受刑法注釋曰周禮上下凡言正歲者皆是夏之正月又知是朔日者以其正月之吉是朔日此雖不言之吉亦是朔日
爲始可知也



周禮注疏卷十

周禮注疏卷十考證

大司徒之職以天下土地之圖疏案職方九州皆有川
○有監本訛直今改正

而辨其邦國都鄙之數疏壇即堦埒○壇監本訛壇今
改正

以土會之瀋音義鱗劉本作鱣○字書無鱣字疑誤又
疏驪豚瘠也○豚監本訛脉今攷爾雅改正

因此五物者注愉謂朝不謀夕○愉監本訛作偷今改

正

以土宜之灋疏星土星所主土○主監本訛生今據保章氏注改正

日至之景疏注云是時周公居攝五年○此句監本訛在上文惟三月丙午朏之下越三日戊申之上經注錯雜今訂正

凡建邦國疏其子男受地又少其稅轉少故四分之三乃足其國○各本脫三字今据上文公侯伯之差次

補之

又度支經用似國家喪紀所用○

臣綏

按國家下疑

當有祭祀賓客等事

又據成同而言三耳自餘五同七同已上其義可知也○成同監本訛成周今改正

以荒政十有二聚萬民疏注云豐年從正凶荒則損○

凶荒則損監本作儉有所殺誤

臣人龍

按此係司稼

注今據彼改之或謂此疏與下大荒大札節疏兩引

此文皆作儉有所殺不應全誤或唐時注本有別或賈氏以意易之與

又司樂凶荒別文者○樂監本訛作農周官無司農而所引是大司樂文今改正

以保息六養萬民疏案鄉大夫職國中七尺野自六尺以下皆不從征○監本脫以下二字今據原文補之以鄉三物教萬民而賓興之注姻親於外親○姻當依經文作媼

歲終注歲終自周季冬也○自疑訛

周禮注疏卷十考證